



吳門補乘二三



內	閣	文	庫
漢	書	孔	氏
類	號	八	二
架	冊	七	兩

內閣文庫	
番號	漢 9098
冊數	8 ( 2 )
函號	232 19





吳門補乘卷二

吳縣錢思元宗上輯

男士錡校

淺草文庫



物產補

穀之屬蔬之屬蔬之屬花之屬果之屬木之屬雜植之屬藥之屬鱗之屬飛之屬走之屬石之屬器用之屬飲饌之屬工作之屬

宋史本紀楊戩請糴粳米輸後苑責以米樣如蘇州范石湖有味吳

米詩

菜之美者具區之菁

呂氏春秋○按菁卽蕪菁亦名蔓菁方言陳宋之間謂之葑似卽今之大頭菜芥之屬也

馬蘭俗名馬蘭頭卑濕處甚多二月生苗赤莖白根長葉有刻齒狀

似澤蘭但不香吳人多采摘晒乾爲蔬入夏高尺許開紫花有細

子則老硬不可食矣性寒瀟汁雖盛夏亦凍



山芋本名番薯預見稽含南方草木狀蔓生有紅白二種本出呂宋國漸及閩浙今吳地亦有之將藤寸截排插沙地七八月閒掘出根如芋頭香甘可代飯饑年貧者賴之

婁門東南有華墩陂中生千葉蓮花菡萏色白豈卽佛經所載者也

陸廣徵  
吳地記

蓮花種最多惟蘇州府學前種葉如傘蓋莖長丈許花大而紅結房

曰百子蓮此最宜種大池中

王世懋學  
圖雜疏

孩兒蓮順治間東山翁漢津自雲南攜歸東山始有之木本花似蓮

而小按其葉作茴香氣不結子傳其種者以過枝法分之

太湖  
備考

吳中有白牡丹每瓣有紅色一點云是楊妃粧時指捻痕有舜哥麥

其穗無芒熟時遙望之焦黑若火燎云是舜後母炒熟令其播種

天祐之而生故名

舜哥麥見府縣  
志而其說未載

有王莽竹每竿著土一節必有

剖裂痕云是莽將篡位藏銅人于竹中以應符讖而然凡此固皆附會之說然其種異常亦造化之妙莫能測也

陸容菽  
園雜記

吳門東禪寺白鶴禪師偶拾紅豆種之寺內指而囑曰汝宜速長但

他日不許無故開花世變有大小則花開有疎密今其樹已數圍

人所見者崇禎九年小開十七年大開隨遘國變順治十六年小

開有鎮江之擾康熙十二年復開是冬滇黔寇作花色如梓莢小

于槐角霜後莢落其子深紅可愛

長洲舊志所載不同。曝書亭集東禪寺紅豆一本結

為連理枝高至三丈花時沈啓南文徵仲唐子畏湯子重諸君恒修文酒之會後為疾風所拔王處士武以水墨渲染作圖妙奪天



真道有餉束荀者并繪諸樹底圖今歸張孝廉大受掛諸橋下小軒孝廉屬題與到聯句兼憶亡友惠吉士周揚成十二韻吳赤烏年寺張大受相思子一叢葉參雙塔外高不鸞花艷八門東照影清溪水彝尊題詩白石翁歐香茶竈熟徐昂發徑轉麴車通結實收新雨天受調禽付短童經行消晝日不鸞開謝幾春風惠子居相近彝尊王郎畫最工偶然濡淡墨昂發率爾變輕紅破萼天桃似天受披圖束荀同已無枯樹在不鸞長恨舊爐空賴有淋漓筆彝尊能移造化功祇應懸素壁昂發吟賞小軒中天受

虎邱園子有洋月季長二三寸花葉枝梗與月季無異十錦菊花大

如豆亦有洋種聞人呼為消息子花皆具體而微猶人中之僬僥

也

虎邱山下三面有春秋柰虎邱山疏

府志物產無李柰棗三果吳縣志有之然不注所產處按太湖備考

云棗最佳者名白露酥出東山此棗至白露始酥故名本草作撲

落酥李盛於東山竹根嶺柰出光福山中其生不繁長洲志有李

柰無棗

左思吳都賦平仲裙襖劉淵林注云裙襖一作君遷樹名子如瓠形

○按司馬溫公名苑云君遷子如馬嬾卽今之馬嬾柿也東山名

牛嬾柿為品中第一

蘇州進藕多重臺荷花上復生一花藕乃實中亦奇也李肇國史補

東山高峯寺有無患木卽楸也古今注名楸櫃俗名鬼見愁實如彈丸釋家取為數珠

名菩提子太湖備考

府志物產無葡萄吳縣志有之今市中鬻者遠不逮北產按蘇頌圖

經本草云江東出一種葡萄實細而酸名蓊蓊子則吳產乃蓊蓊



子或地氣使然亦如橘之變枳耳莫子見詩七月篇注

胡頹子即盧都子吳人呼為半含春結實小長如山菜莢上有斑點

熟變紅色味酸齋李時珍本草綱目

銀杏在虎邱半塘寺相傳晉生公所植虎阜志在天王殿前可泉上人

房之側本五大圍藤繞修條鱗次鬣張儼如龍甲當夏時濃陰可

庇十乘余題曰龍樹潘之恒半塘小志

吳中無盡庵有樹不知何名春槁夏榮梅雨過而舒葉葉既開則水

定以此卜水候最準有山丁見而識之知為望水檀陳尚古簪雲樓雜說

包山有白芝李石續博物志

江菰籬木類醫家名烏不宿俗名晚孃燒火棒葉有五刺為治風之

藥按其狀即本草之枸骨也

黃獨子藤生似芋頭肉白皮黃蒸食之解小兒痘毒少陵云黃獨無

苗山雪盛即指此

土茯苓本草名草禹餘糧根如盞連綴半在土上皮如茯苓肉赤味

澁治惡瘡癰腫神效○秃菜根俗名土大黃即詩之蓬也本草名

酸模葉如菠菜根比大黃稍白治秃瘡頑癬醋磨貼腫毒神效按

蓬或訛為蓄○大薊小薊外科藥二月生苗多刺心中出花青紫

色○大青小青以上諸藥皆載方書吳中土產

金茶匙草出觀音山葉如匙背黃面青味大苦能止血○猪牙草五

月生潮濕地處處有之小葉柔梗開白花春汁拌鹽炒治牙疼○







火石出三山赭石出射鶚山

太湖備考○府志火石出崑山

本草石麪一條言有止饑之功歷敘唐宋以來所出之地以為瑞物

然近時荒歉之歲雅宜等山有掘得石粉者潔白如麪土人或詭

其名曰觀音粉四方爭買之以作餅餌亦能止饑其實山石之根

耳食之者往往便秘而死不知果是一類否

醫林紀聞

吳顧雍鑄一鼎文曰顧元歎之鼎八分書三足陸遜破劉備軍鑄一

鼎紀功文曰破備鼎

梁虞荔鼎書

圓箔之造在盤門張公之橋價以十五文

黃省曾蠶經

禁中元夕張燈以蘇燈為最圈片大者徑三四尺皆五色琉璃所成

山水人物花竹翎毛種種奇妙儼然著色便面也

周密乾淳歲時記

增韻解舡音龐吳船名

廣雅吳曰扁淺船也

按今吳船尚有名湖編子者以其形扁故名

埤蒼舡音彫吳船也

景差大招吳酸蒿蕪不沾薄只註言吳人善調鹹酸燻蒿蕪以為齏

其味不醲不薄適甘美也

楚辭

吳門蕭璉仕至太常博士家習庖饌慕虞悰謝諷之為人作卷子生

止用肥荇包卷成雲樣然美觀而已別作散釘麥穗生滋味殊冠

陶穀清異錄

蘇州方物著名前代如山查釘山查糕松子饴白圓橄欖脯及帶骨

鮑螺之類已載張岱夢憶今河山既異名物亦更其以姓著者有



方羊肉袁小菜以混名著者有野葶薺餅餃小棗子橄欖以地名者有野味場野鴨溫將軍廟前乳腐以招牌名者有悅來齋茶食安雅堂醪酪若斯之類不可勝記雖為小食雅負時名苟遇泗水潛夫定采入市肆記矣

蘇州小瓶酒麪有葱及紅豆川烏之類飲之頭痛口渴宋田錫麪本草

蘇州酒除志所載外如陸機松醪見宋伯仁酒小史齊雲清露雙瑞

見南宋市肆記徐氏酒見王穉登吳社編久為名流所賞今市中若雙福珍天香玉露等只一味甜耳清冽則有洞庭之山酒

虎邱捏像家搏土肖像意態如生亦是傳神之妙手眼鏡作在新郭寶石作在橫金以水晶茜色為婦人首飾紙作在承天寺前專造

還復紙銅作在承天寺後玉石作在鱗諸巷又削箸墩木梳巷筭盤巷銅杓浜做籃浜諸處並皆聚云而居弗遷其地汪士鏗贈虎邱項天成妙

手塑真吳中山水饒嘉秀虎阜一卷推領袖鍾靈往往多技能塑真王氏傳名舊竹林凋謝宿草新師友淵源尚有人項子風流儒雅客江東妙手更無偷虎頭阿堵光如電添豪道子開生面搏粉範泥奪化工寫真不用鵝溪絹四大皆空本無我捐除萬累從今果添箇疎狂身外身彼此相看無一可江湖魏闕若為情老向巖阿夢玉京與子論心且浮白半塘風月正雙清善製眼鏡孫雲球傳孫雲球字文玉吳江縣學生漳州知府志儒子寓虎邱有巧思善製眼鏡鏡之類不下數十以年別者老少花以地分者遠近光百倍其明者存目鏡能化一物為數十者萬花鏡其他以鴛名者以半名者以夕陽名者以多面名者以幻容名者以察微名者以放光名者以夜明名者種種巧妙不可思議而千里鏡尤奇絕天台文康裔思短視雲球出以相贈因同登虎邱試之遠見城中樓臺塔院若在几席天平靈巖穹窿諸峰峻嶒蒼翠萬象畢見迺大驚曰神哉技至此乎著鏡史一卷行世按元人小說叢書出西域即眼鏡也



淘沙戶多住削箸墩及馬庵浜等處日浸水中淘漉金沙又善相火場釀錢買其土製分金鑪分之五金各自一孔流出

混堂天下有之蘇州分三等一則砌石為池穹幕以磚頂如團瓢後為巨釜令與池通轆轤引水穴壁而貯焉一人專執爨池水相吞遂成沸湯凡負販者屠沽者瘍者疖者納一錢于主人皆得入澡焉是名饅頭頂混堂一則白石鑿池覆池以屋雖號清泉終同裸國君子不入也一日京式盆湯則版夾為室室置澡盆兩旁鱗比下穿地街牆外舉火而火通于街納錢七文則人佔一室下帷盤礴雖霜晨冰夕煖如春融衣冠之子赴焉始于三茅姑巷四宜軒既而都亭橋有二樂軒

附錄

唐陸龜蒙杞菊賦并序

天隨子宅荒少墻屋多隙地着圖書所前後皆樹以杞菊春苗恣肥日得采擷

之以供左右孟案及夏五月枝葉老硬氣味苦澁且暮猶責兒童拾掇不已人或歎曰于乘之邑非無好事家日欲擊鮮為具以飽君者矣君獨閉關不出率空腸貯古聖賢道德言語何自苦如此先生笑曰我幾年來忍饑誦經豈不知屠沽兒有酒食耶退而作杞菊賦以自廣云惟杞惟菊包寒五絲或穎或茗烟披雨沐我衣敗綿我飯脫粟羞慚齒牙苟且梁肉蔓延駢羅其生實多爾杞未棘爾菊未莎其如余何其如余何五代皮光業咏茶茗事一日中表請嘗新相筵具殊豐簪紱叢集纔至未顧尊轡而呼茶甚急徑進一巨甌題詩曰未見甘心氏先迎苦口師衆喙曰此師固清高而難以療饑于永錫咏梅花十二香吳門于永錫專好梅花吟也見清異錄







善治事者董工盡撤而新之俱不勞民力而成至于府堂連幕吏  
舍弗具者悉令完舊益新又與僚佐謀於府治之後構公解一區  
以為退食之所意未敢擅作乃請于朝朝許其請於是鳩材僱工  
經始于庚戌之秋迄工於是歲之冬深奧靚密窗戶踈達復自扁  
曰退思堂翰林侍書程南雲大書三字揭於兩楹之間其意以政  
有所未逮則退于此而致思也且屬予記之予告之曰心之官主  
乎思也思則智慧生而是非得失判然于胸中而無疑也故思之  
于人大矣哉凡天下之事未有不思而得者以周公之聖一有不  
得于心猶且仰而思之夜以繼日况眾人乎蘇為郡領縣七當東  
南之都會地大物眾生齒繁夥錢穀稅糧甲于他郡素號難治故  
為郡于蘇者施政事於此不能熟思而審處則未有得其平者矣  
夫欲平其政如之何而弗思此為政所以貴乎思也思侯日退斯  
堂神氣清明坐而思之民情欲壽則思若何而保其生民情欲富  
則思若何而厚其生獄訟之與弊若蠶午則思何以決之租稅之  
重徵輸愆期則思何以集之顛連無告者思何以恤之也賦役不  
平者思有以均之也事有可否思與僚佐而協謀定論理有顛倒  
思從公義而明辨是非某也廉介有守思舉其善而揚之於眾某  
也奸諛挾詐思聲其罪而懲之于眾孰為可用而思進之孰為可  
疑而思退之在己之有過則將速改其過折獄之不正則必審克  
其情動靜云為不離乎道舉措施設必協乎中事事於此退而思

之審而施之庶幾政平訟理則鮮有過舉而無忝厥職矣嗟夫侯  
朝斯夕斯兢兢業業上竭忠於國以圖補報下施澤於民以盡撫  
安他日報政於朝書最上考託以大任鋪張鴻猷黼黻治化則光  
輝斯堂不其偉哉吾故不辭而特書之俾刻諸石俟後之來繼守  
于是者誦斯文皆以侯之心為心則斯堂之光豈有窮乎見金石新編

燕思堂在澆墅鈔關署內明弘治九年鈔關主事劉煥建

楊循吉記

關一在蘇澆墅歲以戶部主事一員司其入今天子龍飛之九年  
劉君堯章實至至則克殫厥心賢聲茂著商旅莫不願出於其塗  
而賦亦倍登惟是公衙之宇不足無退食之室賓至茗于廳事弗  
便慨然置之顧視厥後有庶相直惟關右式宜則室其北墉其南  
垣其外中設揖讓之位而且以為息焉不費而亟成易規而大備  
既成題曰燕思之堂於是延涼納溫冬夏咸宜圖史在座花石盈  
庭客之登焉者莫不樂之他日以其意命予以記曰官政之脩惟  
思乃克然非偃仰優游之有地則思亦無寄焉自吾之來茲夙夜  
匪懈將惟勉其職是圖然而南墉北枕日勾校不暇雖欲覽古今  
以求通於務有弗能者故吾之為斯堂蓋以思而不以豫也敢弗  
志乎且是途居津要之會鉅公魁士由四方而來者無不得晉接  
是吾堂實有人焉彼皆天下之賢俊吾宜思而與之齊庶其及也



夫燕居燕也燕會亦燕也一名二義而皆用吾心故謂之燕思也子其書之君名煥真定藁城人癸丑進士蒞官公清尤洽文史達于治而厚于德識者期以遠大其為是堂廣已之道而遺後之益抑非無謂以為也遂謹受而記焉若其概君所云皆具書事貴核故不復列吾言云見金石新編

望湖閣在治水分司署內

分司署在郡治廡之後見府志

明弘治十四年分司傅

潮建

浦應祥記弘治十一年冬工部郎中傅公潮總督江南諸水道自淮抵湖凡數十郡邑星馳駟騶陸與水楫遍觀博訪於

水之為民利且患者殫心瘁力務濬導而隄防之皆經遠計三年來民忘旱澇之虞咸享豐穰之慶公之功偉矣而吾郡形勢攸之圖志三江五湖之所浸漚地最卑下而賦稅之繁反甲天下郡往時一經雨潦七邑告災下困上憂遂致陸危此尤公注意之深者今而祛災逆釐害除社贖合郡民士感公之功較之他郡奚啻倍蓰也公分曹隸郡第廡廡之後地甚卑陋乃凌架一閣題曰望湖閣嘗登覽焉而具區陽城諸巨浸隱隱在望爰命予記于壁予辱公之知愛頗久不敢以匪文辭惟古先哲有所存省于衷則盤盂几杖門榻坐臥之所悉有銘志所以示不忘也公自臨蒞以來憂勤惕厲不銳始而怠終致事舉而功就若可少紓其懷矣茲高

揭是扁朝夕斯顧公之心何心哉誠安不忘危之盛心也挾此以往則他日之相天下推是心而有餘矣公之兄大宗伯先生德望為天下先拜相指日而公才美昔嘗在內翰茲以芳績重譽進擢復居詞禁則弟草兄制俾韓持國故事不得專美于前此又當代昆季莫伍之榮盛也敢于謬說之數併記之以驗祝望之私云見金石新編

長洲縣署後堂西偏扁曰玉壺冰為明縣令柳東伯題江盈科有玉

壺冰紀事一篇紀柳宦績

采風類記

司獄司故尼庵尼有淫行致淫夫王賣肉死及事露尼盡笞殺毀其

庵後改為司獄司

節錄沈璣近事叢殘

東山太湖廳署乾隆八年太湖同知高廷獻領帑改造規制如府治

太湖備考

木瀆分防縣丞廳署乾隆十一年即巡檢舊署改建



光福巡檢司署乾隆十一年買民房改建

角直分防縣丞廳署在陳家浜乾隆二十七年建角直向爲巡檢司管轄是年始易縣丞兼轄崑新附近村莊建署移駐彭方周記

東山倉在陳家塘門房三間官廳三間廩十四間乾隆十一年巡撫陳大受題請將漕費畱餘興建嗣于十二年本山紳士捐資締造

太湖備考

乾隆八年布政使徐士林起建各鄉社倉積穀備荒今已坍塌基地僅存社穀據貯社長家遇有借給聊爲籌應實無顆粒預備也

吳縣和豐倉在盤門屋本散置乾隆二十五年知縣介玉濤卽孤老院改造中爲官廳後爲瞭望樓四繞皆廩座前設總門圍以高垣

而後防禁始嚴移孤老院于舊倉基院中土地神相傳爲嚴拒嵩嚴生握天子柄作威福死與卑田院乞兒伍亦理之所或有者

可園

舊名樂園

在滄浪亭之北近山林之西乾隆二十三年布政使蘇爾

德築爲往來使客停驂之所

治平元年四月知開封府襄邑縣范純仁奏切念臣父仲淹先任資政殿學士日于蘇州吳長兩縣置田十餘頃其所得租米自遠祖而下諸房宗族計其口數供給衣食及婚嫁喪葬之用謂之義莊見于諸房選擇子弟一名管勾亦逐漸立定規矩令諸房遵守今諸房子弟有不遵規矩之人州縣旣無勅條本家難爲伸理五七年間漸至廢壞遂使飢寒無依伏望朝廷特降指揮下蘇州應係



諸房子弟有違犯規矩之人許令官司受理伏望勅旨右奉聖旨  
宜令蘇州依所奏施行

義莊規矩。錦按郡邑志義莊在雍熙寺後樓鑰有記

蕭江義莊在胥門外小日暉橋乾隆五十四年吳縣監生江淞命其  
子大林建屋凡十七楹田六百餘畝載巡撫閱鶚元題請建坊碑  
記其贍族規制勒石陷壁略仿范莊遺意

吳俗貧民死每以棺寄壇葑門有盛家壇婁門有雨花臺壇不一其  
處猶宋之焚人亭于清明冬至前後火之拾骨以葬謂之火葬心  
至忍也官司亟宜禁止

同仁局在元和縣用直鎮保聖寺乾隆五年里人金三才等勸施藥  
捨棺掩骼埋胔一準郡城廣仁錫類規制二十六年又於鎮西鄉

約舊址建屋三十餘楹改局為堂名仍其舊陳文恭公宏謀給匾  
獎賞沈文愨公德潛有記積二十年司事彙記出入之數題曰問  
心編彭進士紹升為之敘見二林居集

樂善局在元和縣唯亭鎮乾隆四十三年勅行之三年彙其施棺出  
入之數為一編題曰美成彭進士紹升為之敘見二林居集

好善堂在婁門外湧泉菴彭紹升施棺冊敘婁門附郭諸君設施棺局于湧泉菴顏曰好善堂予嘗至其地門  
臨綠野竹木交蔭入其室僧設茶為供壁間張畫梅上有詩云斷崖無路獨思尋  
歷盡冰霜見苦心願與梅花同懺悔好收香雪壑觀音越一年司事諸君刻  
施棺冊屬子敘書詩與之

近取堂在葑門內文星閣乾隆四十年彭進士紹升集同志勅并記  
其文曰予年二十餘矜尚氣節嘗與亡友薛家三言志願得為朝廷諫官  
慨論世間利病即遇挫折不悔而頗欲使天下之士



幕義無窮也家三口吾之志異于是願得負郭田數百畝與九族共之以餘財推之于鄉里仿東林同善會俾鰥寡孤獨者有養也其可矣子愧其言以為仁人之心當如是久之予幡然有志古聖人之道立人達人之心油然而不能已子言之已欲立而立人已欲達而達人然則立人者其立已之成者耶達人者其達已之盡者耶人已異形而欲則未嘗異也豈不至近乎然則積已成家者一已也積家成鄉鄉一已也積鄉而邑國天下邑國天下已也豈不至近乎而知取焉者鮮矣夫未履其地思任其事未遇其時思奏其功寧不日吾欲立人而達人也役役焉馳騫于遼濶而其近者反曠而不治予是以益有味乎家三之言也乾隆三十七年里人既叔施棺局請予為之監予慮其事之不易繼也舉一會人輸十金至百金共得千八百兩有奇將以十年為斷取什一之息償所輪用其本買田以供用舉會之日有願勿償者得四百金時方募金闢放生池建流水禪居不足取前會二百金以佐之而收其餘息給僧守院者頃之復與會友沈浴鯨謀謂古稱窮無告者惟鰥寡孤獨而孤寡較鰥獨尤窮士族之孤寡者較之小戶又甚焉遂為會以周之三年所散者千金所周者百有三十餘家其費之所出司事者募金充之子復謀之李禹定吳崧番圖所以久遠者集友十餘人續舉一會亦以十年為斷釀金五千金其法略如前會而稍加其息會集長洲學宮之東文星閣予顏其堂曰近取

亦猶行家三之志也然自三四年來家三教授于外凡子所行事不獲與家三共之及家三自沂州歸歸一月而死悲夫家三之言子既用之鄉遂欲用之家間嘗請于家大人及諸父諸兄舉千金之會將益廣之置義田然則家三之志我為之與家三為之果有異乎哉爰記其顛末以道家三之心及子所感發于家三者欲吾同儕廣而縣之至于無窮亦家三之欲也

繼善堂在壽寧菴佛殿之左蔣雲昂等建施棺局也彭進士紹升記

### 見二林居集

同仁堂在白蓮橋同善堂在虎邱寺西俱係徽商糾資創建為掩骼

施棺之局此外又有齊門老君堂樂善局倉街觀音菴妙濟局雖

大小不同而行善則一同善堂乾隆五十九年建知府任兆炯記

### 附錄

張習治水分司題名記

天之生人藉水土而水過多則為患神禹氏治之功與天地準代之職水者雖



小大不侔其得一日而廢耶故周有匠人稻人漢有水衡水司  
空宋有都水監元有都水使司莫非為是設也我朝初不置專  
官然于三吳之水則倦倦焉纔遇澇溢必遣廷臣出治待其平  
而後已洪武永樂間皆然自宣德來始用巡撫大臣兼之郡邑  
各添治水貳倅丞簿猶莫能統于一成化初復設憲臣提督其  
官係浙臬去吳頗遠未便弘治辛亥三吳水至壬子為甚甲寅  
尤甚近臣奏命工部亞卿徐公蒞吳首決吳江之壅田次濬常  
熟之淤港而水漸疏洩事竣還朝以為平治水土我部司職也  
烏可簡忽以貽宵旰之憂乃奏革憲臣而輪選本部屬之賢者  
一員專治焉初得主事貴溪姚君文灝不久以病免廷臣會議  
須老成練達如都水副郎新喻傅公為稱遂陞正郎領璽書  
而來公身任其事徧歷所轄相地宜究源委即分司之在蘇者  
處之平若麟吳縣志水利分司在明澤橋東成化八年知府邱  
壽建後改為按察分司其松常嘉湖等六郡則以時巡之於焉  
開陂塘浚浦港鑿溝澮築隄防以至輿梁之脩運河之通凡有  
益於官民者慮之無不周而行之無不敏矧疆宇之廣往返動  
數百十里其為工靡可以尋丈計時日論也如是勤劬三年而  
治功告成雖遇水溢弗為患歲屢登而民咸悅舉祝公以  
分司之名實本部司分設而得其政不敢不勉不可不為後政  
鑑也用題名之石授習記之習豈何言哉竊觀天下之水皆流

動不息惟三吳在東南最卑下書所謂土惟塗泥田惟下下故  
水常若滙而不流雖流亦不甚湍急所以沮洳而宜稼惟其宜  
稼故生齒為甚繁而貢賦為甚重夫三吳為天下生齒之繁貢  
賦之重而吾蘇尤為六郡之甚繁而甚重者故三吳之水所當  
治而吾蘇尤所當先也且蘇之境切臨太湖湖受寧國等八郡  
之水積霖汎溢蘇必先當之苟欲疏洩亦不過即是境以導滄  
俾注之海而後可殺夫滔天之勢故蘇之水治則三吳之水無  
不治矣分司之設於蘇已挈其綱領而致治功之亟成宜哉嗟  
夫水得其治然後田有秋田有秋然後民生遂而貢賦充貢賦  
充則國用無不足國家視吾蘇猶倉庾也帑藏也茲治既成豈  
惟足國之用而已上有以副聖天子委任賢臣之盛心下有以  
安列郡億兆之民生忠愛並施而不相悖哉孟子曰禹之行水  
也行其所無事也行其所無事順理也治水之職本之順天之  
理未有順于理而利有不興害有不除者由是而知三吳之民  
自今以往莫有昏墊而無訴者矣然則題名之舉詎徒表章一  
時治功為觀美百世之下於我朝設司任賢思慮預防之意無  
非益乎民為有所攷焉爾見金石新編







煥為師俾里中子弟就學焉割田三十畝以食之始於洪武十一年正月越七月而後成具以其狀白於縣若郡郡許以為宜遂乃遣書來請文紀成績古之為治者其法雖詳然不越乎養與教而已養失其道則民貧教失其道則民暴貧則流而為盜暴則去而為邪二者皆亂之始也是以先王重之二十五家之間必有左右塾塾必有師師必以仕而老於家者為之故是時無不學之民無無塾之地無邪僻淫靡之俗刑法置而不用亂亡無所自而起其後強大諸侯欲圖得志相與毀詩書六藝之籍使其教壞而不行然尚踰數百年而後絕一民不忍叛其上教之足以感人若是自秦以降無教者亡有教者存得其道者盛以延失其道者衰以促千載一軌也皇上奮然愍前代之弊欲使海內之民皆霑沐禮義大設學舍以教之此與先王之心何異則成非有化民之責乃能以淑其間里是圖豈非君子哉君子之所為貴乎可法於世他日三吳巨族人人皆奉上設教之意以化其間巷之民使咸知尚禮義恥犯法如成周時蓋將始於今乎姑刻其事以俟見金石新編

六門義學廢為民居惟平江學舍乾隆中知府孔傳珂改為平江書院添建號房延請掌教一府三縣逐月輪課規制略如紫陽以廢

學房屋租息為生童膏火之資

附錄

明胡儼蘇州府重脩儒學記

姑蘇東吳大郡也學宮又東吳之冠也五十年前余嘗至其處而周覽焉喜其地勢之廣衍而惜其堂宇卑俯有弗稱也時典教者對余徒有興歎而已今年秋九月教授豐城何澄校藝還自闕

述其郡守况侯伯律興作之勤求為之記大成殿及兩廡作于正統丙辰明年作至善堂作後堂又明年作明倫堂作齋舍作射圃凡為屋百間度材庀工載石陶甃與夫經費所需咸得變通之宜越三年而後成高明壯觀實超于昔丹碧輝映光彩聿新况侯之奉揚文治以淑邦人者於斯盛矣而師友之朝夕相從得以依乎廣居以安其息游以移其氣體者何其幸耶學宮之建久矣唐刺史李栖筠始增置學廬至宋景祐初范文正公典鄉郡歎學政之廢因州人朱公綽之請上其事于朝得賜田五頃乃割錢氏南園之地以建焉初公得地於南園將徙居術者謂世出公卿公曰與其貴吾子孫于一家孰若吳士之多賢也遂以其地充學宮延師儒教育生徒而安定胡先生首居之嚴師資立教條經術治道明體適用之學表見當時實肇於茲



而文正公之嘉惠斯文其用心不亦仁且廣乎今况侯協謀侍  
 郎周公重為興建蓋亦聞文正之風而興起者歟大抵國家以  
 育賢為致治之本賢者以務學為致用之資而守令又所以承  
 流宣化者也夫為政者既能盡其職矣而士君子之居業於斯  
 者可不知所務乎必也息紛華功利之心盡以求夫聖賢之本  
 領切磋磨礱之益無忽乎師友之講明由是以德行尊顯則禮  
 義興而風俗厚以經術進用則心術正而功業著矣况余鄉  
 人也其善政既已頌於吳人而斯舉尤為知務故樂為之書俾  
 來者有**徐有貞蘇郡儒學興修記**蘇為郡甲天下而其儒學之  
 所徵焉伯至德之化子游文學之風安定師法之傳在焉不徒財賦之  
 疆衣冠之盛也學之建自有宋越有元至有明幾五百載  
 其間廢而復興毀而復修惟牧守之賢是賴其人在郡誌可攷  
 已然近自正統景泰之際國家多故學憲以敝爰歷數政皆嘗  
 有意興修而弗遂成化初元今巡撫都憲瓊臺邢公之為守也  
 因荒圖豐革故圖新曾不期月百為具諧於是教授南昌程君  
 蘭司訓餘干張君憲山陰李君璞駱君異協議以請于公公曰  
 是吾志也乃相舊規有仍而一新之若大成殿若戟門靈  
 星門若尊經閣若明倫堂則皆仍而新之者也若先賢祠若會  
 膳堂若四齋暨直廬若射圃若泮池之橋則皆改而新之者也

經始于丙戌之夏落成于丁亥之秋凡在學者訢抃胥慶會邢  
 公既升而巴渝賈公來繼其政謂斯文盛事不可無記之者因  
 率學職諸君來以為請子郡人也而有子在學于學之興修亦  
 同其慶焉乃進諸生而語之曰夫學之作興在乎君長化導在  
 乎師儒而進修之功則在諸生之自勉焉爾凡為學者所以學  
 乎聖與賢也學乎聖與賢者蓋將希至乎聖與賢也希至乎聖  
 與賢者而可苟哉其必也由乎詩書六藝之文以通乎唐虞三  
 代之道處焉進修焉而為之德業出焉施設焉而為之政事堂  
 堂焉表表焉以立乎天下若陸敬輿之於唐范希文之于宋庶  
 幾哉始而希賢終而希聖不惟其言惟其行不惟其名惟其實  
 窮惟斯達惟斯憂樂惟斯成乎已也惟斯成乎物也惟斯使世  
 之論者謂吾蘇也郡甲天下之郡學甲天下之學人才甲天下  
 之人才偉哉其有文獻之足徵也**金幼孜重修蘇州府廟學記**  
 斯於作興化導之意為無負矣蘇為東南都會學校人材實為諸郡先昔宋景定間范文正公  
 仲淹請於朝始建先聖廟學于吳蓋割錢氏南園之地而為之  
 者也荏苒三百餘稷荐歷兵燹屢興屢廢而比年以來其學舍  
 文廟傾圮漸不可支永樂甲辰秋臨江陳孟浩來典教是郡顧  
 而歎曰學校風化之本乃不振若此其何以稱崇仰以作興士  
 類適監察御史李立按治吳中孟浩以其事白之乃力贊其成



為哀大家富室之有力者俾出金穀而協助焉孟浩復與訓導  
 馬壽錢紳韓陽各捐已俸以為之倡於是鳩工庀材首新大成  
 殿增飾塑像次新明倫堂旁飾齋廡室廬次及池橋亭檻階凡  
 垣墉靡不繕完是役也工不勞民費不出官而歸然更新于一  
 旦之頃往來者但視其成而不知其所以成人倫不可一日廢學  
 事予不敢辭則為之言曰學所以明人倫人倫不可一日廢學  
 校其可一日廢耶士游於其間其理則仁義禮智其器則君臣  
 父子夫婦長幼朋友其文則易詩書春秋禮樂若是者豈徒託  
 諸空言蓋欲明其道以充其性密察于幾微致謹于踐履積累  
 以至乎浹洽擴充而極於廣大此則學之要而所以成己成  
 物者不外是矣吳素稱禮義之鄉宗工巨儒後先相望他未暇  
 論有若吾文正公之清修博雅文章事業光明俊偉至今為天  
 下後世重士生於斯游於斯必取法于公無眩于邪說無奪於  
 利誘充其內以達夫外他日出而臨民則思為良吏立朝則思  
 為名臣真履實踐以求無負於所學無愧于先達則吾益浩所  
 以拳拳於斯文者豈空言而已哉因悉記其事并書其說如此  
 俾歸而刻諸且以示後之典教者王直蘇州府重修儒學記  
 家  
 稽古定制建國立師以陶鑄天下之英才使各成一器而天子  
 垂拱于上以收平治之功其義遠矣人生顛蒙方其幼也苟無

禮義以漸摩之逮氣充血盛慾竇潛開鮮不傷倫而敗度先賢  
 之為政者緩於刑戮而急於教養良有以也蘇為東南大郡土  
 沃民繁家衣冠而戶絃誦秦伯揖讓之風儼存然性頗輕脫間  
 好爭訟亦有夫差之遺意焉苟非學校之教提撕警覺又何以  
 矯其輕而歸諸厚哉學宮在郡治之南可一里許舊傳為錢氏  
 南園文正范公購得其地而創之歷年已久雖屢經營繕卒未  
 愜大方之觀今太守四明姚侯下車以來政化大行毅然以修  
 舉廢墜為己任視築三日敬謁吾夫子之廟而拜之次及四配  
 十哲兩廡諸賢見其神像欹側柱礎傾斜至有不蔽風日者慨  
 然歎曰為郡者之責也亟欲一新因白巡撫都憲萬安劉公巡  
 按侍御南郡袁公咸聽其言或曰年歲未豐人尚缺食驟興土  
 木之工第恐事未成而憂先至也侯曰不然吾上不虧府藏之  
 蓄下不庸科斂之財以義制事而身先之胡為不可况此名邦  
 寧無一二仗義者而副我乎於是首出俸資若干為眾人勸既  
 而聞者四起爭先投刺惟恐居後因命訓導周謐以董之斧者  
 鋸者髹者塗者不期年間厥功告成大成殿明倫堂兩廡四齋  
 尊經閣至善毓賢二堂道山觀德二亭靈星門學門儀門罔不  
 修治復彩飾聖賢及歷代諸儒神像築杏壇一區立狀元解元  
 二坊皆親書其扁徹文昌文正二祠移諸爽塏見者駭愕郡之  
 耆艾私相謂曰吏不驚而民無擾何成功之若是也教授臨川



黎擴與子有鄰郡之誼走書請文以紀其事子自謝病南歸久  
 疎筆硯固辭之而不可乃勉為言唐虞之世比屋可封無他教  
 之至也三代以降雖沿革不同其文獻猶有可觀者自秦罷侯  
 置守為吏者止知簿書敲扑而已尚何暇以歌青衿采芹乎侯  
 之此為度越前人遠矣侯名堂字彥容由名進士拜冬官主事  
 陞郎中出知廣信累著能聲因丁內艱蘇守告闕都憲崔公時  
 巡撫江南每難其人方會議京師聞侯服闕立請于天官冢宰  
 而假之眾論稱屈崔公曰屈之者所以伸之也不遇盤錯利器  
 何甄茲而果能稱其言而光闡之不趨眾向顯揚名教激厲風  
 俗雖文翁造蜀豈是過哉吾知蘇之人才逝此必倍蓰矣他日  
 棟明堂器清廟楫大川必有勝其任者 陸鉞修蘇州府儒學記  
 則侯之功豈可泯乎因書以告來者  
 詩稱既作泮宮春秋書丹桓宮之楹夫泮宮實修之而云作者  
 以見修廢之功擬于創制而一楹之丹孔子不遺者豈非以尊  
 室在所當愛哉蘇州郡學自范文正公割南園地為之而規模  
 始著自後好義之士尋源索本往往歸重於茲故或為之增置  
 齋閣或為之附益田租開建恢擴日新月盛而豐碑大刻紀載  
 鋪張者亦不敢後焉其意豈不皆然哉國朝文治日興崇獎尤  
 甚學宮之侈殆逾百楹生徒之眾亦克稱之教化之隆于茲見  
 矣成化甲辰襄城張公邦鎮來按茲土視學之暇徘徊瞻顧見

其規模雖宏而朽弊相繼棟宇雖完而凋落漸興以為天下之  
 事為于其細者易為于其大者難與其為于其難孰若為于其  
 易於是審其輕重緩急之宜而圖起廢更新之意視其可易者  
 易之可因者因之晦者飾之腐者剔之搖者築之經始于談笑  
 之餘而陰益前人之功成永固之業信哲人之為有見於幾先  
 哉學功告成而公以代去貳守毛公廷美寔護其事觀成功之  
 難歎曰襄城公茲舉非徒上安神祀下悅眾心寔所以詔我後  
 人而興起後學也蓋君子所重人咸重之君子所忽人咸忽之  
 公重于學校如此所以感發奮厲者已在於不言之表矣且其  
 規畫財用出于散漫收贖之餘而選徒用人在於三時間曠之日  
 事成而人不勞吾徒不知所重焉豈理也哉于是伐石走書幣  
 詣余求文其上竊惟儲養樂育登崇俊良此上之所以寤寐而  
 不忘者然勢不能周悉而憲臣者耳目所司所以延訪而博求  
 者也張公其知此者乎自余家居聞公修崑山學修太倉學又  
 修郡學三學賴以完整而生徒有歸教學得所張公之功也異  
 時歌菁莪而咏棫樸者非公其誰與歸公能舉職毛公能奉命  
 不忘其艱是二公者皆所當書故 金玫長洲縣學記 長洲蘇之  
 併書之為記毛廷美毛府志作李 自唐武后始割吳縣之北境為邑而未嘗有學嘗假浮屠氏之  
 室以為焉及元即長洲驛舍建孔子廟甚隘弗稱後至元三年



縣長元童擴充之廟學始備越三十八年歸于我朝間嘗葺之而新者復敝固其所也洪武六年知縣京口張翹躬率僚佐捐俸面諭羣士輸材木之朽者易壁之漫者圻由內暨外罔不用工前大成殿後明倫堂及中門左右廡後增置鐘亭各一所又叔公極不可支補則撤其舊而新之齋後增置鐘亭各一所又叔公解三間及學門於廟之右泮池駕梁圍構亭伍射置各得其所而墻垣之周巋然壯麗重繪兩廡七十二子諸儒像祀延陵季子以下先賢凡七人興學有祠以示有功於學者必報于是長洲之學既完且美教諭周敏書來徵記余謂官之修學職分所當而能加意勤力若是蓋可尚矣至是士之為學其當加意勤力甚於官之修學可也苟官修其屋室而士不修其行業則游居於學者將何為哉士之為學雖不止乎是然乘是而勉勉勿怠異日學術大振端自今日學舍一新始俾見聞者黎擴新修莫不敬慕不其偉歟此亦邑之職治教者之所望也

**蘇州府學道山亭記**  
蘇為南圻大郡其學制之雄麗池園之幽小邱焉隆然而起高約四五丈廣約畝有畸其趾三方浸以大池意其初必因鑿池累土而成殆有類乎道家所謂蓬萊方壺者故名之曰道山統山上下羅植松栢雜木陰鬱森聳干雲蔽日登其巔可以盡得一城內外之景也宣德間南昌况公鐘知

蘇始作亭於上四隅之柱以石四面之窗以鮪深廣各二十尺崇比廣而減四之一焉翼然奇偉之觀師生於勤學之隙得為游息之所後將三十年亭日就壞雖更數守咸莫介意去年夏四明姚公堂來守是邦蒞學勸課之餘乃登斯亭俯仰低徊而歎曰前人之蹟可坐視其廢矧有益於師生紓勞釋瘁者乎于是捐已俸市羣材易腐以堅補缺以完加以藻繪題以華扁既訖厥功煥乎其改觀矣公與二三僚從登於其上第見天光雲影相蕩於上下官府民居仙宮佛剎相簇於遠近至于吳山震澤之幽且迥者莫不盡在乎目睫間矣公欣然以謂眾曰是可樂也宜有以記之惟茲學初由宋大賢范文正公仲淹捨所得錢氏之地而建然文正之素志在於先後天下憂樂之言而我姚公生于數百載之下慕文正之風於數百載之前果諧所慕得典文正之鄉郡能不以其素志之言見之實行而肯託之空言哉且前此數歲水旱相仍饑饉荐臻蘇民之生鮮遂公雖欲修斯亭覽斯景以樂斯樂不可得也幸今聖天子在位斂福錫民年穀豐登民生大遂公安得不修于斯覽於斯以樂於斯乎且公之樂於斯者非獨一己之樂也蓋將以同乎斯民之樂也不過託斯亭以發之耳又何戾乎文正之所言者耶嗚呼地因人顯名以事傳而今而後滁之豐樂岐之喜雨又不得專美於前也用是為記以鑲之石俾蘇之後人得有所考亦有所思云



身門補

並見金  
石新編

軍制補

大曆十二年秋七月罷蘇州軍

舊唐書代宗紀。按金陵志唐肅宗乾元二載置浙西節度使治蘇州此蘇州軍之始也已見吳縣志建置沿革門上元二年徙治宣州是名江寧軍至代宗十四年更置鎮海軍治蘇州旋徙潤州大曆十二年為代宗十五年是蘇州軍已中廢至是復廢也

唐書蘇州注有長洲軍乾元二年置大曆十二年廢

地理志。吳縣志建置沿革門

大曆五年長洲軍廢與此異。按此軍起廢與蘇州軍同疑統于蘇州軍

宋元祐八年勅兵部狀准吏部關准都省府付下兩浙轉運提刑浙

西鈐轄司奏據湖州申究得太湖四面各二三百里分屬蘇湖常地雖逐州邊湖縣分尉司分管地界自來只是水面約貌無緣的確民或被劫告官地分耆壯并捕盜官司遞相推注養成羣惡風



波之內肆爲剽掠有蘇州洞庭之隅地名角頭處太湖中欲添置  
巡檢司與馬蹟香蘭巡檢司同太湖內巡捕賊徒北崑山更置巡  
舖逐季輪差兵級人船守巡其本州長興縣呂山頭巡檢止是一  
縣盜賊縣有縣尉亦非控扼可罷乞徙角頭山其角頭香蘭若依  
常例差官恐少願就者仍乞定酬獎令蘇常湖三州各于公庫支  
與供給遂差秀州司戶向子雍相度本官狀稱利便將呂山頭廨  
宇兵器悉徙角頭酬獎之格乞依湖州所申逐司保明詣實關六  
部動支勘合已得朝旨本部依所奏及逐部勘當事理施行

太湖備考

吳門補乘卷二

吳門補乘卷三

吳縣錢思元宗上輯

男士綺校

鄉都補 附村鎮

吳縣二十七都

東洞

在余山者五圖在武山者七圖。三十一都

入太湖。三十二都

西洞

跨龍山禹期渡渚葉余。三十三都

庭 跨陰山橫山。三十六都

西洞

庭 跨三山澤山厥山。三十八都

西洞

庭 跨角頭山

太湖中凡有圖之山皆有居人以東西二山統之其無人之山皆不立都圖

六直分防署

隸元和者曰甫里隸崑山者曰六直今人概稱六直非

管轄元和縣都凡十七

凡二百三十一兼轄崑山縣崑凡二十六新陽縣圖凡三祇就本  
鎮而論西柵至東爲圖二十九都四十四南柵至西爲圖四都三



十六圖三十七圖三十九圖四十三圖 俱屬元和東柵則屬崑山

吳縣二十七都上扇四畝地名徐墅亦曰姚墅俗號大村在太湖東

岸對武山大缺口居民三千餘家為西南一大村落縣志村鎮不

載

吳門蠡口瀕太湖乃范蠡自此乘扁舟泛五湖處也鄭毅夫獬有詩

云千重越甲夜成圍戰罷君王醉不知若論破吳功第一黃金只

合鑄西施

宋西郊老叟庚溪詩話。按此蠡口乃今吳縣蠡墅別有蠡口在齊門之北屬長洲

章練塘鎮

見水利門

舊傳吳孫權造戰艦于生衣鎮于此張蠡練水軍後

人誤張為章耳明夏原吉有過章練塘詩

大姚

見志

去姑蘇城東南三十里臨諸江湖江則吳淞江姚城江白蜺

江小龍江湖則陳湖葉宅湖車坊漾獨墅淹是也大姚地可數百

畝浮諸水之間有小山高不滿數丈上有古剎依山之巔曰文殊

院正殿有文殊坐獅子像甚奇古周圍有深渠數匝乃誦經行道

之跡也唐宋名公畱題甚多皆刻諸石以置于壁間米南宮父子

嘗遊於此其地舊址猶可考

小米大姚村居圖跋見都穆鐵網珊瑚。米海岳女嫁大姚敷文

堯峰志南垞北垞元末顧阿瑛嘗避地卜居于此南垞在堯峰山胡

巷村南吳公紳買地築小園於其間

汪琬南垞草堂記

浦莊以浦氏聚居得名亦猶張莊沈莊之類也今其地浦姓尚多或

作普彰誤矣

浦莊余桑梓故里也自遷郡城未嘗一日去諸懷汪君石瓠為余作圖而諸名流各係之以詩王景雲水

澹寒綠吳江逢暮秋遙知棲隱者散髮臥林邱漁火蘆中掉經聲

竹外樓疎麻誰可寄

悵望迥含愁陶樾雞犬桑麻自在春數家茅

良月浦定

卷三 鄉都補

二



屋水為鄰題詩我作入山想况是廬中舊主人碧玉灣頭處土莊  
畫圖指點未全荒人生第一難忘事只在兒時釣弋鄉浦莊見志  
郭外諸市鎮惟陸墓不出科目考王世懋二酉委譚云浮梁景德鎮  
官窰設焉杵聲殷地火光燭天子弟雖入學校絕無登第者想擊  
撼穿鑿有傷地脈爾陸墓窰戶如鱗鑿土燒磚終歲不絕地脈焉  
得不傷

木瀆十景一曰法雲古松二曰白塔歸帆三曰南山晴雪四曰斜橋  
分水五曰虹橋晚照六曰下沙落雁七曰山塘榆影八曰靈巖晚  
鐘九曰姜潭漁火十曰西津望月沈警有詩見集中

甫里八景一曰分署清泉二曰西滙曉市三曰鴨沼清風四曰吳淞  
雪浪五曰海藏鐘聲六曰浮圖夕照七曰長虹漾月八曰蓮阜漁

燈甫里志所采佳句頗多不能備錄

唯亭亦有八景一曰古寺喬柯

延福寺銀杏樹

二曰石橋夜月三曰元涇聽

潮狀元涇聽潮館

四曰漁沼荷風五曰青邱晚眺六曰金沙落照

金沙七菴

曰曲水環山

唯亭山

八曰陽城漁艇

國朝歸聖脈有詩見甫里志

陽城亦有八景一曰慈雲曉霽二曰孫墓斜陽三曰界溪晚渡四曰  
澄灣夜月五曰斷橋落雁六曰鷺峯煙雨七曰澱渚漁燈八曰蓮  
池避暑明申文定公時行著有八味見集中

附錄

唐韋應物橫塘行

妾家住橫塘夫婿邠家郎玉盤的歷矢白魚  
湘簾玲瓏透象牀象牀可寢魚可食不知郎

意何南北岸上種蓮豈得生池中種豆豈  
得成丈夫一去花落樹妾獨夜長心未平

趙嘏宿望亭館 扁舟殊不



繫浩蕩路纒分范蠡湖中樹吳王苑外雲悲心宋范成大范村

人望月獨夜雁離羣明發還驅馬關城見日曛宋范成大范村

在越城雪夜習氣猶餘燼鐘情未盡灰忍寒貪看雪諱老強尋

飛上沙田舍更無雲物起微陰隴畝人家各好音歲晚陽和歸

來落日心釀秫炊秬都元顧阿瑛新郭露白兼葭蒼畫船酒行

飛急觴美人羅袖隨風揚長檠翠幕高高張浩歌起坐秋夜涼

明月已在天中央大星小星光煜煜酒酣不記過船去但聽秋

聲響疎雨夢中化作蝴蝶飛飛入花間聽春語鄰鷄喔喔東倪

方曙船尾浪花風起舞為君起和夢中詩水氣如煙渡秋清倪

瓚甫里甫里林居靜江湖遠浸山漁舟衝雨出巢鶴帶雪還明

李東陽和石田翁相城有竹居原韻幽人住在竹深處種有青

上卷巖秋色到牀邊詩翁愛咏娟娟雨稚子愁

分晨裊泉我向北方空煮簣幾時還共鬪春煙

津梁補

張香橋昔有女子名香與所懽會此故名一曰女子姓張名香荻樓

姑蘇城中皮日休市有小橋名鶴舞父老相傳吳時有二鶴在其地維抄

對舞已有飛集金閶門外青楓橋東化為鳳凰飛入雲際今鳳凰

橋是也沈學士詩曰不如雙白鶴對舞石橋東謝侍郎詩曰願作

江頭雙鳳凰奮飛直向青雲裡是一事謝氏詩源

蘇郡葑門外有滅渡橋相傳初建時水勢湍急工屢不就有人獻策

度地于田中築基建之既成濬為河導水由橋下而塞其故處人

遂通行故曰滅渡此橋鉅麗堅久至今偉觀或云魯般現身也張基

知囊譜。以上諸橋俱見志乘而命名之義失載惟盧志詳滅渡之意卻與張靖孝之說不同



新郭市有小橋名楊素橋蓋素既平陳遷郡城于橫山下故其處尙多遺跡

北園老君堂前有小石橋名通仙乾隆五十六年重建垢仙降乩題曰雲路遺踪

太湖備考津梁一門頗詳核因查新舊志未見者補錄之○長經浜

橋○薛家橋跨葉巷港○豐樂橋在菱田○玉帶橋在王文恪柱國府前○衆安橋

在金家湖以上○僊橋在西金港北口○上楊家橋○下楊家橋○吳

巷橋在吳巷港○盛河橋○高橋鷄武二山接渡○勞家橋○馬村

橋○中橋○五徐橋○養馬橋○社瀆橋○大橋○慈西橋○東

村橋○辛橋西山渡渚接渡處以上十橋在西洞庭山

橋梁失載者甚多卽如橫金以西村莊腹裡之橋勿論其在塘路者

有南塘橋乾隆中里中公建福履塘橋乾隆二十七年浦莊衆姓捐資重建浦莊橋渡船橋

乾隆中里中公建菴頭橋黃蘆橋采蓮橋磚街橋孔家塘橋諸橋志宜補

入又郡城張香橋之南路旁有橋石二故老相傳舊有健步橋今

河形尙存又吾家宅後塔影浜西南納北街橫河之水經做傘橋

北流東轉過唐家巷東南繞出水浮香橋浮香亦作鳧香仍入北街橫河

鄰近人家四圍皆水堪輿家稱爲隱秀今溪東淤塞惟唐家巷中

間有溝通水稱小橋頭而已河港橋梁二門自來廢者多興者少

或云塔影浜迤東爲韓氏玉帶河今已變爲平陸而文懿子孫亦稍稍不振矣

橫金鎮韓橋西有青石橋面在路旁故老云此名過金橋



附錄

明吳寬葑門塘改造二橋記

吳城東為長洲境其南曰葑門門之東有河河上下有塘塘之東曰梅里涇又東曰金涇舊皆有木橋以通七區之人往來者歲久傾圯人以為患里有義士盧珪廷玉者居常日珪遺腹子也惟吾父母早世幼鞠于伯父以長年十七即自樹立成家今幸有田廬而衣食不缺者豈珪之自能哉吾父母積德之所遺也且聞吾父母嘗有意于義舉而不及為使吾吝吝所積而不肯為人眾也惟二橋人迹必由者是宜伐石改造為經久計乃召工市材擇日興工以弘治十年二月始造梅里涇橋成里人僉名曰通濟明年十月再造金涇橋成僉以廷玉之功不可忘也則名曰盧家橋以紀之工部郎中張君守之與盧烟家也以其事當載于文來請且曰葑門有塘其長六七里居民稠密而上塘尤盛塘以土築土既善崩迨天雨更泥濘行者不便數年前廷玉嘗築以石其費亦不少也乞附書之子嘗觀于今之人凡積之厚者性必吝故好積者早夜汲汲惟其家是圖自門以外與眾共者不肯植一木發一瓢者皆是久之其財與身同于漸盡而已不然遭不肖子孫敗之至于疎財者異于是然而家益

盛身益康子孫又傳之久二者于人事若相反而天道則好還有不可誣者子識廷玉已久固知其為人其治生也無悖入之貨其待人也周急之心及視二橋使若他吝者不以為意必至于大壞人將病涉矣至于泥塗不治若無大害然行者有沾塗之苦仆跌之危亦仁人之所不忍也今廷玉不求于閭里不煩于官府一旦捐數百金為此義舉不謂之賢哉夫義舉人多為之有好名而求人知者又有求福田利益如佛氏之徒者君子皆無取焉今廷玉念其父母所謂欲報之德善繼其志者則又出于孝思不又謂之賢哉廷玉嘗出粟助有司賑飢授承事郎平生義事尚多不能載予特因守之之請為書此云夏璣重建勝安橋記 蘇城西北虎邱山塘之半有橋曰勝安始於石梁迨我國朝積歲傾圯不堪于行正統己未巡撫文襄周公郡守况公重建以廣舊制自成化以來累遭大水衝激日底于壞甚于往昔行省病之弘治己未耆民周懌郭鑑勸里中義士蔣瓊陸榮為首倡又舉壽聖住山僧圓智里人陸釗勸募朱繼等相為出資以圖重建白其事于欽差總督河道水部正郎傅公曰此王政之一事乃吾責也又請于郡伯曹公公以為宜時通府陳君長洲劉君吳邑鄭君貳尹竇君又復勸諭而獎導之由是瓊等遂經始于是年三月乙酉鳩工聚石財皆民助晨夕



監督不憚勞苦匠氏効力而落成于夏六月癸未高加三尺廣  
 十有六尺翼以欄石行者始免病涉之勞勝安之西不二里許  
 又有橋名范店者亦病于涉公復命糧長江仁老人朱惠等成  
 之于時遠近靡不贊頌水部公之德且謂不可無記乃築亭于  
 橋左請余文以刻石垂于永久則瓊等體公之心可見矣橋成  
 公厚勞之莫不踴躍聞風興起豈曰小補噫天下之道皆然遇  
 水而不貫者非橋梁則患于徒涉也涉水者必橋梁以相濟也  
 橋之濟物如此况以道兼濟天下者是蓋傅公相天下之志也  
 民知向義而樂于為善豈非善政之所致歟用刻石以為向義  
 者之所勸云。傅名潮曹名鳳陳名暉劉名珂鄺名璠寶名盾

**杜啟治長涇普濟石橋記**  
 長洲縣屬里有地名野場涇其處居  
 冶長猶陳太史為相川沈氏之思賢涇然也亦足以知其民之  
 好事易與為義矣涇逶迤若干里西首鵝湖巨浸南尾曹湖相  
 值蓋眾水之滂也郊原四出則為常熟崑山無錫百里間貿易  
 耕收弔慶醫卜往返者之所必由故有木橋名曰普濟廢已久  
 矣陸行不通若干年弘治之七年居民周方等欲創為之募錢  
 于眾得若干貫間歉錢不時集又慮藏之于私家非便白于郡  
 而貯諸官既三年歲稍稔請錢于官時典郡者他費之且半僅  
 給餘錢爰成橋堵自是勸募不屬塹填阻水不通舟行者又三

年既而都水郎中傅公奉勅來督三吳水利巡行至其地詢知  
 橋事始末以為於官與民有不得不舉者存歸召知縣劉侯與  
 議之侯曰如命究厥費數以補給之尙未敷也公又出公帑若  
 千緡俾之盡斥舊規乃礮巨石為之命水利縣丞寶盾董之價  
 充材備民樂趨之不兩月告成縱計一百五十尺衡一十六尺  
 隆三十三尺上為懸虹之勢中穹兩垂影飲河流下為偃月之  
 形洞空輪廓帆檣徑度直欄橫楯偉觀村落不誇改名以便稱  
 謂於是諸用事者請紀石以表公績嗚呼民以義舉而幾廢于  
 官閱歷數年公則興之侯乃承之始畢民志亦惟艱哉固宜書  
 之以示後者勸懲存焉作治長涇普濟石橋記公名潮字曰會  
 別號靜齋江右新喻人成化辛丑進士歷今官公勤廉恕於凡  
 河道事畢盡心力以為民利類此橋者尤多侯名珂湖廣興國  
 人弘治丙辰進士初試縣為政修整寶盾山西隰都穆長洲縣  
 州人出身太學生奉事克謹餘用事姓名列于陰

**重建官瀆朱涇二橋記**  
 工部郎中新喻傅公以朝命蒞吳水利  
 于茲三年凡政之可以利民而行遠者  
 公悉心為之罔憚勞瘁而州縣亦奉命惟謹莫之敢後公嘗謂  
 橋梁者水利之首務惟長洲官瀆朱涇二橋在郡東北舊隸于  
 縣實當要衝歲久傾圯以為此而弗修則行者病而水道壅非  
 所以為政也乃出在公之銀以為之倡而縣民馬璠曹源等復



樂助焉公命縣丞竇君專董斯役撤其舊而一新之經始于弘治庚申秋八月至辛酉春二月而工告完瀆舊修十有五尋崇三尋有四尺廣減崇之二朱涇舊修八尋有四尺崇不及二尋廣減崇過半今視舊減崇三尺廣倍之而洞其下者亦然事雖董于所司趨于小民而所以規畫之者大抵皆出乎公是故成之之易而其堅厚雄偉則又可以久遠而非利于一時者也穆嘗稽之郡志橋梁之盛唐稱三百有九十以今視之其數蓋不止是但舊之司水利者皆州縣之佐官無專員其任弗隆往往廢墜自如而水旱迭患邇年以來蒞以廷臣由是事始重而况忠勤諒直如公者哉是舉也官不知費民不告勞而徒者舟者莫不感歎謂公之愛民如此而水道之通誠有藉焉公之惠不其博哉竇君俾穆為記將刻諸石示不忘公之功穆吳人也蓋嘗受公之知而目覩其事故敢執筆而記之公名潮字曰會由甲科進士典內翰而至今官政事文學與其兄大宗伯體齋先生齊名于時

**宋陸游宿楓橋** 七年不到楓橋寺客枕依然半夜鐘

**楊備烏鵲橋** 月滿星移水照天南飛烏鵲影翩翩

**塘橋** 陣陣輕寒細馬騎竹林茅舍小帘招

**明王寵寶帶橋** 春水桃花

色星橋寶帶名鯨吞三島動虹臥五湖平表裡  
關形壯東南海勢傾當知題柱者猶是一書生



關氏出東南嶺巖前當吹颶卦皆餘長一書主  
邑星齋寶帶各鱸吞三島慎取周王聯平表暨

祠廟補

關帝廟在樓門內大營門東創建無考順治二年乙酉經兵火僅存  
矮屋二椽駐防都督楊公承祖修之後復圯乾隆二十年乙亥沈  
明經大文感異夢重建大殿至三十年乙酉韓上舍承詩元旦入  
廟瞻禮得片石于墻角剔去泥土上方則旃檀佛像下方則東京  
啟聖禪院瑞像記乃宋元豐四年燕家橋人竇臨鐫此為母修福  
者筆法道逸神似大令蓋廟之由來久矣因奉石龕壁以存古蹟  
廟有郡人陸文衡碑記首敘楊公開府于婁中敘公建廟捐田十  
畝碑嵌殿庭右壁

五龍堂在長洲縣東南祠內有池相傳池底有五井歷以石版遇旱



啟版大雨立至乾隆二十四年亢旱中丞陳公宏謀虔禱不驗因  
土人言督役開井石版方啟而雨已滂沱田野無不霑足或云五  
井鎮壓太湖水怪三十三年因旱開井雨亦隨降明年即有水滂  
之患府志與長洲志僅云祈雨以鐵牌投池中輒驗此皆失載

橫金鎮有杜康廟鎮多釀工故奉為酒神按杜康始見魏武短歌唐  
王無功有祭杜康文其世  
代無考楊升庵以為即夏仲康廣  
輿記今江陰縣承天寺即杜康宅

義金廟在橫金鎮初名義金菴後改今名為一鄉社廟尤侗義金菴  
記距吳城四  
十里有橫金鎮有義金菴俗傳管鮑分金處也子考管鮑分金  
處在濟南之鮑山叔牙夷吾未嘗至吳此必誤矣或者後之人有  
聞其風而起者因附會其說歟菴肇明初葺于萬曆丁亥久而傾  
圯里有錢君舜臣者慨然捐修夏而鳩工秋落成焉諸善士繼之  
而兩廡而社廟而外殿次第鼎新微錢君率作之殆不及此夫佛  
者之道大矣不必以義金名然如錢君之捨財修寺亦分金之義

也倘或聞管鮑之風而起者歟故明其名不必辨其謬也庵僧海  
明乞語于子漫書以勒于石。舜臣余高伯祖虞卿公也自浦莊  
遷于  
橫金

靈順宮在東山楊灣祀伍相國子胥唐貞觀二年建宋高宗南渡封  
子胥為忠武英烈顯聖安福王里人楊嗣興擴修元季燬里人王  
萬一等重建宮故有茅君殿順治中里人史清字僧青蓮復募修  
百城烟水。府志楊灣伍相國廟  
建于順治中其即此歟姑俟考

漢曲逆侯陳平廟在滄墅為土穀神俗稱陳相公祠殿宇頗魏煥  
四皓祠在西洞庭山綺里太湖  
備考

鄧將軍祠有三一在山南湖濱一在諸理村一在顧巷相傳為鄧禹  
三兄弟





鄧尉山有司徒廟相傳為東漢鄧高密侯禹祠庭有古柏四株皆數千年物前人各以一字題之曰清奇古怪肖其狀也又陶庵夢憶載陶堰司徒廟漢會稽太守嚴忌廟也此廟將母同

華祖師廟在元和縣尹山之東祀漢神醫陀創建無考乾隆三十三年或以藥品附錄籤句後病者依方服之輒愈遂詔為青囊神術其後仙師香火一盛于白蓮橋同仁堂再盛于北園老君堂

張林廟在吳縣七都十二番一鄉土穀祠也按元和志角直鎮南有張林山相傳為漢張蒼家廟豈北平侯之神耶又范文穆吳郡志載晉張林妻徐夫人碑又吳縣張林雜見晉書及甄異記其以人名廟如朱明寺之類歟或云張林古地名以地名廟古多有之姑

存之以俟博識者

錫按張林廟之東南有吳玠廟其東北又有吳璘廟二吳為宋名將廟俱在鄰近則張林之為

人名殆無疑矣近又有改張林為彰靈者其與改浦莊為普彰同一杜撰

張翰祠在葑門外

甫里先生祠一名西溪別墅在虎邱下塘普濟堂西祀唐陸處士龜

蒙乾隆四十八年長洲縣太平橋陸肇域自稱甫里之裔捐資建

後葺敦本堂祀其先中有草志亭聘吳江任兆麟修虎邱志下榻

于此

甫里故有祠元至順間遷郡城今廢汪元亮記

自撰甫里先生傳甫里先生者不知何許人也人見其耕于甫里故云先生性野逸無羈檢好讀古聖人書探六籍識大義就中樂春秋抉摘微旨見文中子王仲淹所為書云三傳作而春秋散深以為然貞元中韓晉公嘗著春秋通例刻之於石意以是學為已任而顛倒漫漶翳塞無一通者殆將百年人不敢指斥疵類先生恐疑誤後學乃著書擴而辨之先生平居以文章自怡雖幽憂疾病中落然無旬日生計未嘗暫輟點竄塗抹者紙札相壓投于



筐箱中歷年不能淨寫一本或好事者取去後于他人家見亦不復謂已作矣少攻詩欲與造物者爭柄遇事輒變化不一其體裁始則凌轢波濤穿穴險固囚鎖怪異破碎陣敵卒造平淡而後已好潔几格窗戶硯席剪然無塵埃得一書詳熟然後置於方冊值本卽校不以再三爲限朱黃二毫未嘗一日去手所藏雖少咸精實正定可傳借人書有編簡斷壞者緝之文字謬誤者刊之樂聞人爲學講評通論不倦有無賴者毀拆揉污或藏去不返先生戚然自咎先生貧而不言利問之對曰利者商也今既士矣柰何亂四民之業乎且仲尼孟軻氏所不許先生之居有地數畝有屋三十楹有田奇十萬步有牛不減四十蹄有耕夫百餘指而田疇下暑雨一晝夜則與江通無別已田他田也先生由是苦饑困倉無升斗蓄積乃躬負畚鍤率農夫以爲具且每歲波雖狂不能跳吾防溺吾稼也或譏刺之先生曰堯舜衡瘠大禹胼胝彼非聖人耶吾一布衣耳不勤劬何以爲妻子之天乎且與蚤虱名器雀鼠倉庾者何如哉先生嗜薜置園于顧渚山下歲入茶租十許薄爲甌犧之實爲自品第書一篇繼茶經茶訣之後南山張又新嘗爲水說凡七等其二惠山寺石泉其三武邱寺石井其六曰吳淞江是三水距先生遠不百里高僧逸人時致之以助其好先生始以喜酒得疾血敗氣索者二年而後能起有客至亦潔樽置解但不復滿引向口耳性不喜與俗人交雖詣門不得見也不置車馬不

務慶弔內外姻黨伏臘喪祭未嘗及時往或寒暑得中體性無事時乘小舟設蓬席賁一束書茶竈筆牀釣具權船郎而已所詣小不會意徑還不留雖水禽憂起山鹿駭走之不若也人謂之江湖散人先生乃著江湖散人傳而歌詠之由是混毀譽不能入利口者亦不復致意先生性狷急遇事發作輒不含忍尋復悔之屢改不能矣先生無大過亦無出入事不傳姓名無有得之者豈培翁漁父江上丈人之流者乎又江湖散人傳散人者散誕之人也心散意散形散神散既無羈限爲時之怪民東于禮樂者外之曰此散人也散人不之恥乃從而稱之人或笑曰彼病子之散而目之子反以爲號何也散人曰天地大者也在太虛中一物耳勞乎覆載勞乎運行差之暑度寒暑錯亂望斯須之散其可得耶水土之散皆有用乎水之散爲雨爲露爲霜雪水之局爲瀦爲沕爲潢汚土之散封之可崇穴之可深生可以藝死可以入土之局墳不可以爲埏甃不可以爲孟得非散能通于變化局不能耶退若不散守名之筮進若不散執時之權筮可守耶權可執耶遂爲散歌散傳以誌其散

白公祠在虎邱東山浜嘉慶二年任太守兆炯卽蔣氏塔影園改建  
中有思白堂奉樂天像傍爲懷杜閣仰蘇樓供少陵東坡栗主又



有萬丈樓在懷杜閣之東供李青蓮木主疏泉壘石花木鬱然為

往來嘉客讌集之所任太守記郡人吳慶孫書別有園亭記亦任

撰兩碑俱嵌祠堂壁

節錄祠堂記昔唐賢白公作守時築山塘于虎邱曰白公隄迄今登山者便之即往來行

人履道坦坦亦交口頌公之功不置歲丙辰余承乏茲郡明年春

陽湖趙耘菘先生來游虎邱登仰蘇樓偶記少陵壯遊篇有東到

姑蘇臺劍池石壁冷之句謂宜更建懷杜閣與仰蘇樓並峙方伯

陳公東浦論詩夙以老杜為宗聞之欣然命駕入山相度而僧房

櫛比鱗香未得位置之地于晉謁之次乃述白公築隄開路功

德在民而未有專祠亦斯邦闕事方伯首肯其言未幾購得蔣氏

塔影園在山之東麓有堂有樓有閣堂可以祀白公樓閣可以供

奉杜蘇二公遂請于當事而改建之既又讀文苑英華有李太白

夜游虎邱序一篇知謫仙亦嘗讌集于此復構萬丈樓於懷杜閣

之左李杜詩家尊宿于白公為前輩而東坡自言出處與白公相

似東坡之號又取諸白公也李杜蘇皆過客而白公守郡有地主

之分四賢風節文章臭味無殊想神靈遊戲人間主賓相得其必

有樂於此者乎廣陵僧有香山九老檀木像子購得之供奉祠中

老郎廟在鎮撫司前梨園弟子祀之其神白面少年相傳為唐明皇

因明皇興梨園故也然按山海經驪山耆童居之其音常如鐘磬

音郭璞云耆童老童也顓頊之子老郎疑即老童為音聲之祖郎

與童俱年少稱

機王廟在祥符寺巷考杭州志云褚河南裔孫名載得機杼之巧于

廣陵歸教其里中土人立祠祀之又推原其始為機杼者復立機

神廟引淮南鴻烈以為黃帝之臣伯余也今之所祀或即伯余之

神

龍井神女祠○洞庭東山有井淵深叵測世呼柳毅井嘉靖辛丑中

書舍人王某與友人同游酒酣因吟云菊花垂蔭碧闌干此地曾



經柳毅傳卿若有書吾肯寄汲深千尺輓轡懸時林月漸明隱隱  
見橘柚影中美人掩映若隔烟霧卻前遙吟云橘花如雪曉風清  
迢遞關山春夢驚明月一天涼似水不堪重省舊時情卽追討其  
跡杳不可得質明欲闢地祠之鋤下鏗然有聲得一石碑曰龍井  
神女祠因建宇于其上雷青日札

羅魏兩先生祠祀唐羅江東隱宋魏文靖公了翁在甫里魏家厓鶴

山庵內甫里志

宋樞密院使邱文定密祠在洞庭東山陽橋蓮花圩 本朝乾隆十

一年裔孫賡熙等建太湖備考

范文穆公祠在石湖行春橋西見郡邑志屢修屢圯嘉慶三年文正公裔

孫來宗重建并記蓋是時文穆子孫無復存者

曹秘書祠在虎邱和靖書院祀宋提舉幽景定二年陳淳祖建今廢

宋相公廟在渡僧橋西相傳爲水府之神或云其神主殺爲五郎部

下傷官北寺西亦有廟以常戮人于此也猶園○今名宋公祠

雙忠祠在盤門外靈巖鄉俗名雙土地祠祀宋劉鼐張釐彭紹升記子觀建炎

之事宋之不亡者幸哉方金兵破揚州于時高宗駐平江去敵尙  
遠平江固可守也蹙蹙焉去之臨安而越而明不暇一夕息已而  
敵破建康道廣德趨臨安由越入明縱掠海上而歸使其時平江  
諸將帥以勁旅過其衝俾隻輪不返無難者奈何兵不戰而潰城  
不攻而下坐使五十萬人併命於鋒刃而莫之救相傳金兵自盤  
門入有二士者拒敵於門外一死於陣一死於水而盤門破矣嗚  
呼彼守城者或則侍郎或則宣撫使非不顯且要也委而去之若  
棄唾涕而獨遺二士者以殉國之烈此不可爲發憤而深痛者哉  
然自二士之死里人神而祀之迄今六百餘年而靈爽益著二士  
俱沐人從高宗南渡守平江其一姓劉名鼐蓋死於陣者也其一



姓張名鼂蓋死於水者也祠有明永樂中俞楨碑以鼂為順國明  
王職天壇傳奏司以鼂為順濟龍王職盤谿守禦司其封爵莫知  
何昉要其來也則遠矣近者祠久不修里人釀金千兩新其堂宇  
既成屬子記祠在盤門外靈巖鄉俗名雙土地祠子更之曰雙忠  
夫其忠也乃其所以  
自神也遂書而記之

東山有宋少保葉夢得祠堂在山頭前巷世委尼僧司香火嘉靖中  
知縣康搏毀淫祠祠以尼故亦遭毀其地官賣鄰人嚴氏

嘉靖間吳縣知縣有康  
世耀無康搏葉譜疑誤

葉氏族  
譜。按

宋文傑公祠在虎邱斟酌橋東祀元平江路萬戶通舊在郡學西

國朝乾隆二十九年裔孫思仁移此彭啟豐記

袁公祠在尹山祀明遂安知縣政初建無考正德中元孫昂重葺茶

坡劉先生記五世從孫榆又脩俞琬繪記

采風  
類記

錢氏宗祠在齊門外潘家橋吳越王十九世孫昱建祠中楹帖云峯

峯山勢分唐脈浩蕩波光接宋流今廢

吳城支宗譜。昱  
字懷山明初人

十賢祠在婁門外下塘祀盛氏宗英十人創建無考

府志作盛  
公祠今圯

金公祠在甫里通明道院中祀明大參應徵及子太僕少卿士衡萬

歷初大參父子議革里中門稅里人感其德建祠祀之

甫里  
志

周文襄公忱祠在洞庭東山葉巷

今為尼所占  
太湖備考

薛文清公祠在鐵佛庵舊址祀明河津先生瑄陳宏謀記

碑在  
祠

明唐六如居士祠在桃花塢已廢 國朝嘉慶五年宗裔吳縣知縣

仲冕重修

孫星衍記吳縣城西北有桃花塢方志稱為宋樞密章  
棻別業明唐解元寅築居于此有夢墨亭有祠祀六如

居士及祝京判允明文待詔徵明天啓時楊端孝大潑改準提菴  
國朝宋撫部肇重加修葺增建才子亭得明知府胡纘宗題唐

吳門補乘

卷三

祠廟補

七



解元墓碑因封樹之按之墓志稱葬橫塘王家村未知孰是今陶山明府為六如居士之族來官是邦暇日行縣見其祠墓頽廢乃拓菴東別室移祀唐祝文三君像署其室曰桃花仙館出貲贖還居民侵佔墓地周以繚垣補種桃花數十株復建夢墨亭并輯刊六如居士集云夫六如居士始以鄉試第一受知於首輔梁儲繼以漏試題事牽連被黜為吏終以先識佯狂脫寧王宸濠之禍築室斯地驚書畫以自存不脩飾詩文謂後人知我不在此識者惜之傳曰君子疾沒世而名不稱又曰將貪忽名可貨而賂又曰蹶弛之士在馭之又曰不見是而無悶推六如居士拒宸濠之識之堅定當時或為梁儲程敏政諸君子汲引得竟其用不有樹立亦當有所建白不幸為傳灝都穆所搆既卑官隱居求志其時若有知六如居士如漢河南守之薦賈誼安邑令之愛閔貢唐當塗令之客李太白者則亦不至縱飲頽放并不肯以著述自見如張靈徐渭之所為且六如居士之文之行俗人即不知之其不為宸濠所汚固灼然照耳目者於是歎明之士夫無知人薦士之明矣然六如居士卒以文酒自娛畢其世不至漢黨錮宋黨人明東林之殺身無益于國反使懷才之士杜門裹足不為時用則又邈世無悶之學之出自天性者今世知六如居士勝于知章樞密又得族令尹脩飾其故跡以傳于後不可謂非厚幸矣吳之士今猶古也意必有才如六如居士而不見是而自放或過焉者君子躬自責

其馭之失其道歟陶山明府以名下士宰吳數月廉聲仁問翕然傾服士庶又進其士之才者賢者以身教之邑之望風景從東脩自好者月異而歲不同則不僅以此舉為登臨覽觀之勝後世必有知人論世而信吾言之不誣者明府名仲冕湖南善化人乾隆癸丑科進士特簡江蘇歷荆溪奉賢吳江令調劇茲邑云唐仲冕大如居士祠墓在桃花塢歲久蕪廢捐奉脩治工既訖功得詩四律綺羅絃管總成塵一種才華閱世新縱酒地為澆酒地看花人是種花人可憐謝客無遺宅何必逋仙有後身燕麥菟葵搜剔盡絳桃依舊占芳春（一）第一風流自愛名伴狂獨得聖之清奏書不逐嚴夫子搥鼓真同禩正平半偈悟禪空電閃小樓讀畫尙花明饒他文酒求餘韻（二）百年來識此生（三）吾宗衢後數尤奇牢落悲深曠代知一副青衫司馬淚幾行紅杏尙書詞銜碑土近要離冢拾翠人歸短薄祠千古英豪齊下馬况傳華胄備官司（四）荒烟蔓草賸寒燈仙館重開問寺僧五十步分樵采路三千界掃辟支乘乞花好句畱楹帖夢墨遺編付刻藤表墓式廬吾豈敢名流好事寫韓陵（四）沈奎和陶山明府原韻莫嫌近市總囂塵風月依然竹樹新天遣名流為地主世知達士即仙人竟借文祝長攜手早笑機雲自失身散擲千金歸故里有人片碣記陽春（五）自注李夢陽為宸濠作陽春書院記幾至不測（六）廉吏從來畏近名出山泉比在山清萬閒廣廈長思庇三尺孤墳詎忍平懷古如公題榜重登



樓有容看山明子西曠達子方直又見門才次第生(二)一第無緣  
命也奇聞幽賴有兩公知賞音畢竟推吳令奏曲還宜薦楚詞緣  
水一泓非舊徑桃花幾樹認新祠謝詢請為諸孫表(三)自註事載文  
遷封墓高情在有司(三)逃名自禮佛前燈領取頭銜粥飯僧白社  
禪從耽酒悞青蠅隙自愛文乘田園蕪廢畱松菊眷屬  
捐除斬葛藤如此長眠真有幸幾家吹笛上邱陵(四)

明鄧孝子在張香橋南見邑志 國朝嘉慶五年張進士鳳翼吳

茂才鍾募資重葺祠屋本十餘間半弃他姓就其存者支傾補罅

至恢復餘屋猶尙有待孝子家本樂工數十年前尙有旁支習其

業者今無有矣殷為鄧之所自出故世以殷姓一人守其祠陳仁錫鄧

孝子傳孝子鄧汝南城東張香橋人性不好色子嘗有言色身之  
力薄事君必不忠色身之膽寒交遊必不信諄諄戒色蓋勸孝也  
鄧子不好色有其質矣十九娶孫氏少一齷親命立遣之其行事  
似過然先與之約既遣終身不娶亦可不憾里人傳吮癰割股風  
風雨雨常在周孝子祠既臥病于家或猶見之祠中耀以明燈親  
嗜肉神者告之鄧子之神乎神之神乎抑見者自有神或曰神光

燭舍鄰疑失火異香滿室父病旋瘳所謂見者自有神非長齊耶  
嗟乎鄧子之外惟四壁耳像于家哭于墓斷酒一介不取預知去  
之日去之日以親像囑同里孝子若曰咨爾鄰比念他人之親豈  
不知事其親而孝子之目瞑矣史氏曰有小孝有中孝有大孝孝  
豈有大小哉量力故可久故可大庶人之  
孝如鄧子可以風矣宜吳人祀之不絕也

明淮揚巡撫路公祠在洞庭東山葑山廟中公名振飛廣平曲周人

明亡流寓東山有禦寇功沒後祀之太湖備考

姜忠肅公祠在虎邱東塔院祀明贈光祿卿瀉里康熙三十四年巡

撫宋犖建毛奇齡記

西洞庭山節烈祠在石公山 本朝乾隆六年建太湖備考

東洞庭山節烈祠在渡水橋東湖亭背太湖備考

彈山本有城隍祠久廢歲乙卯忽神降于澣關童子曰我白馬嶺南



趙成之也上帝命為神蓋廟祀我穹窿道士夢亦然眾遂捐資建廟按趙侯字雲豹一字從周成之其名也吳縣人補長洲學生後分隸元和孝友純謹君子也歿而為神宜哉

節錄沈德潛彈山神祠碑記趙公見乾隆

吳縣志

蛇王廟在婁門內負城臨水傑閣巍然與毘陵樣船亭相似前殿塑蛇將軍特假蛇耳按嶺南雜記載潮州蛇神曰遊天大帝龕中皆蛇也欲見之廟祝致詞即出遊樽俎間今非其比又按錢希言獮園云廟在婁門外葑門捕蛙者祭獻其中廟旋廢不知何年重建于此祭賽者不獨捕蛙船矣

附錄

明金幼孜重修陽山白龍祠記

龍之為靈著矣上下日星浮游海嶽感風雲需惠澤變幻恍惚

不可為像則夫世之所稱神靈有逾於龍者哉宜其肇迹之地人益崇信廟食之久神愈彰應而祀典之盛累千百年為不替焉距姑蘇郡城西一舍許曰陽山有白龍祠其神誕育之異相傳肇自晉隆安中而其靈顯感應莫盛于唐尤莫盛于宋元之間錫號崇祀後先相望逮我聖朝飭嚴祀事命有司春秋致祭著在令典乃宣德五年禮部郎中况鍾伯律奉命來守是邦歲夏秋之交闔郡大旱禾則盡稿伯律乃擔誠禱神已而大雨沾溉歲以獲稔仲秋之月適當祀神先期望夕伯律齋宿公館夢神告以祠宇將傾丐即修葺翼日以其故語諸僚佐咸嗟異之將事之旦天氣澄明靈颺颯爽雲彩發祥蜿蜒焜耀至誠感孚神實降歆既竣事伯律周覽祠下喟無以答神休耶遂倡郡邑僚屬捐俸市材鳩工而重修之而民之好事樂助者益眾未幾棟宇赫奕廟貌一新既相與樂其成復謀勒貞石以貽永久伯律乃致書請余文記之惟禦災捍患神之功而事神治人守之職也白龍之神其肇迹之故余不能詳自廟食以來歷世滋久能霽澤敷惠以陰蘇人所謂有禦災捍患之功者伯律出牧于茲天子嘗賜璽書委以重寄而能欽承德意興利除弊和洽其



政人以大治復以餘力修葺神祠微茲福祉以惠其民可謂能盡事神治人之職矣二者皆不可不善也余故表著之以為蘇人告且俾後之繼守于是者讀斯王直重修范文正公忠烈廟文尚求如伯律之舉于其政哉

正統八年十一月蘇州府重修范文正公忠烈廟成其十一世孫都察院照磨子易具事始末屬直為之記蓋公蘇人也曾祖徐國公祖唐國公考周國公皆葬蘇之天平山公嘗請于朝改天平山白雲菴為白雲禪寺世度僧守焉作祠于寺之右以奉祀事至公之子孫又作祠于是祠之南以祀公然忠烈之名未有也宋自元吳反西鄙騷動師出無功仁宗乃命公經畧公選將練兵築城塞壘屯田據其要害示以形勢招徠屬羗恩信大洽決策取橫山復靈武元昊勢屈乃請降西人仰公之德服公之化皆為公置生祠公薨相與哭于祠下者累日不絕宣和間宇文虛中為慶帥言公忠于朝廷功烈顯于西土至今猶廟祀益虔然廟未有額徽宗命以忠烈名之且為題其榜凡廟之在西者皆易以新名然蘇猶未有也紹興以來西土皆陷忠烈之廟越在異邦蘇之守令與其士大夫謀曰蘇公故郡也而天平山則公祠墳存焉公之精神必往來乎此乃更作新廟揭忠烈之榜于廟門由是蘇始有忠烈廟每歲上巳郡縣長吏率其屬致祭歲久廟壞元至元乙酉嗣孫邦瑞士貴復新之末世

兵亂燬焉踰八十年未有能復之者至是工部侍郎廬陵周公忱巡撫至于蘇而監察御史壽光劉君甄武昌劉君仕昌錢唐鄭君皆以事蒞焉郡守李侯從智來會政事之暇語及茲廟因相與歎曰公之德業著于當時傳于天下後世不繫乎廟之有無也然表先正以儀來今使後生小子得瞻其廟貌想其精忠偉烈而與企慕之心則廟亦不可無也乃各出貲俾吳縣令永嘉葉錫圖其成錫毅然以身任之殫心盡力規畫處置凡降邑之令佐皆以貲來助市良材命眾工為堂前後各三間以奉公及三世先公像東西廂如其數以藏祭器而齋宿寓焉壯麗嚴整有加于昔中作石橋橋南左右為碑亭前作大門榜曰勅賜范文正公忠烈廟經始于是年九月九日閱兩月而廟成直聞之士之能任天下之重者必以天下為心心之欣戚主乎人而不私乎己是以天下為心者也以天下為心則人庶乎有濟矣初公未顯時已欲任天下之重嘗曰士當先天下之憂而憂後天下之樂而樂夫憂人之憂而欲免其憂使人皆樂然後與之同其樂此豈小丈夫然哉孟子曰禹思天下有溺者猶已溺之稷思天下有飢者猶已飢之公之心猶是也故其德業之盛不愧乎古人豈特著于西土也哉嗚呼士不以天下之重自任者多矣不以天下之重自任則其所存所行一主於為己人之利害不少繫於其心而又欣欣然自以為得功烈之卑無足怪



也而所謂士者固當為是耶然則公之孫與邦之人士及四方  
 之來者拜公之廟慕公之功業必當師公之心充之以仁義而  
 力行之于公其殆庶幾乎故為之記而道愚之所聞黎擴新遷  
 使刻諸石告焉凡以貲來助者其姓氏皆載之碑陰

**范文正公祠記**  
蘇州府學有宋大賢范文正公祠者蓋以公嘗  
 典鄉郡割所得錢氏南園之地建學而立之也

祠及公之子忠宣恭獻者以其復割前園之地益廣其基而入  
 之也祠舊在大成殿之後入路迂曲落地陰潤每經一雨草輒  
 侵階以致朔望之晨行香揭虔人跡罕至習為故常今太守四  
 明姚公堂治蘇之明年政通人和田穀大登乃歎曰文正父子  
 建學之功如此其大而祠屋之地如此其僻可能報其功之萬  
 一乎於是相址于二門之內泮池之南入道之右厥位面陽厥  
 土燥剛鳩工築基卜日遷於其上棟楹梁桷之腐黑者易之益  
 瓦級磚之破缺者補之增以藻飾繚以墻垣書以題扁中塑公  
 像傍侍子神儼然一家之氣象也思昔范文正公為當時第一  
 流人物忠義滿朝廷功名滿天下事業滿邊陲在他邦異域者  
 尚欲效其為人况生於其鄉者乎凡育材於茲學者將以供君  
 上致治之用也必目有所接則心有所動矣而我太守姚公既  
 遷公祠于茲而在學之士出入往來無不在其目既見  
 心可得無動乎必思他日學成材就出為時用以文正父子上

義下利之心如此可不則而效之乎以文正先憂後樂之志如此可不力而行  
 此可不企而及之乎以文正先憂後樂之志如此可不力而行  
 之乎效慕於幼學之時致用於壯行之日俾蘇學之人才益盛  
 而益揚者實由乎一遷祠之所致也然則姚公興學作人之功  
 容有既乎用是勒**宋鄭思肖**尹和靖書院示開講和靖書堂八  
 茲于石以示來者

**明高啟**弔伍子胥地老天荒霸業空曾  
 席在山隈若無人聽都

**明高啟**弔伍子胥地老天荒霸業空曾  
 歸去傳語生公借石來

楚墓生前孝扶日吳門死後忠魂壓怒濤翻白浪劍王鏊謁文  
 埋冤血起腥風我來無限傷心事盡在越山烟雨中

**丞相祠**  
義氣橫天白日陰巍然遺像學宮深千秋不化萋弘血  
 百折難回豫讓心自昔奸諛誰不死如今元社亦銷沈

**黃昏**柴市風沙慘國朝歸莊題五賢祠仕宦羈棲事不同名賢  
 回首行人淚不禁

**塵埃**外俎豆良宜邱壑中座側羣山橫遠翠軒前千載有流風人才多半  
 百里浩長空儒林更重胡安定別有專祠在學宮



此處為多欄式印刷，內容極其模糊，似為經文或詩文，因字跡不清，難以辨識。

寺觀補 古蹟附

龍光寺梁天監二年金紫大夫捨宅置陸柬之書額

宴聖寺梁天監三年司徒左長史吳郡張融捨宅置右衛翊陸遠書

額

禪房寺宋建武元年蘇州刺史張岱捨宅置吳郡陸曾書額

唐慈寺宋建武元年高士將軍捨宅置

慈悲寺齊永明二年吳人薛曇捨宅置曇卒遺言遷其柩於殿下

吳地記。五寺已廢

東邱蘭若今迷其處高季廸有東邱蘭若見枇杷詩徐賁有同高季

廸過東邱蘭若訪呂志學詩以上六寺未詳何地



慈濟禪院在郡城東元大德四年僧道芳建後廢明萬曆三十五年僧靜菴結茅其地得石碣于古井庵名復顯本朝康熙中法嗣寒松道仔端怡次第鼎建前後佛殿置飯僧田若干畝

相傳宋時萬壽寺即今長洲元和學宮僧欲雕善財像舉想有年一日有客叩

門曰知師欲塑善財像我善為之宜選奧室閉戶七日許開僧如

其言經七日開戶客不在矣惟留一像相好莊嚴非人可措手大

率如掘衣就道從福城東將歷諸國土參善知識狀僧驚異祈示

靈跡初塑時足十指皆平倏一拇指翹然起精彩煥發時稱活善

財云萬曆十四年僧通泉移供天宮寺補志萬壽寺條。宋濂萬壽禪寺重構佛殿記蘇之

長洲東北二里萬壽報恩光孝禪寺在內焉初晉義熙中有沙門法愔自西域至中夏與慧遠法師結社廬山已而來蘇以念佛三

昧化道有情蘇人翕然歸之為建淨壽院梁時更名安國長壽二年又更名長壽尋燬于兵吳越錢氏有國中吳軍節度使錢文奉重作之又更名安國長壽禪院始易禪僧明彥主之宋大中祥符二年丁晉公謂奏改為萬壽崇寧二年始加崇寧于萬壽之上政和初又更名天寧紹興七年復詔更今額為徽宗薦嚴之所元至正末天下大亂寺為兵所燬羣僧散鞠為樵薪之場國朝洪武癸丑蒲圻魏觀來吳為郡周視廢基蹙額而言曰是刹之廢不得名浮圖不足以起之行中禪師仁公乃寂照和尚世嫡今住虎邱德涵道融堪為人天師且兼道儒家經史發為文章嚴簡而有法內外之學雙至中興之責其在是乎遣使者致書幣凡三往而後應之視其寢室則牀第蔑如也稽其粟穀則盎無斗儲也訊其執役則僕隸無有也師泊然獨居若享萬鍾之祿者曾不幾何僧之散者復還遠近清修士魚貫而來有饋食者有供三衣者有施黃白金者禪師曰可矣戒左右重構大雄殿五楹間鑿石於山市材于江陶瓦于郊工者奏技壯者獻力鞠明究曠不督而集四阿有嚴若翬斯飛丹雘絢爛炫人心目僱工於甲寅春二月至乙卯冬十月厥事告成禪師太息曰寺之凡殿為鉅殿既成門廡堂堂當易為耳吾耄矣宜選春秋強盛者繼之禪師乃退居松林蘭若朋舊合輿議延瑩中巖公瑩中嘗請業禪師不復固辭乃走吳江水月廢刹輦致三世如來像妥奉殿中觀者起敬巖公晝夜孳孳將



次第成禪師之志復來請文以示後之人誠可謂賢也已嗚呼大千界中不離一念建治銷毀隨感而形昔也茲刹付之虐燄化樓觀而為灰燼果誰使之哉此一念也翦翳剔荒變瓦礫而成梵宮又孰為之哉亦一念也善惡之所繫其懸隔有如此者可不慎歟禪師起廢之功無讓于開基禪公善繼之力必漸復于舊觀皆肇於一念之善者也法社緇衣之士來居於茲尚當擴而充之為聲聞為緣覺為菩提雖曰等妙是覺亦可拾級而升無有出於此念之外者毋徒委為有漏因果忽之哉昔有唐僧貫休所畫十牽牛南斗姑胥墟義異吳越時邵思寶等共建二石幢今猶存詩曰為周法滂泥欲現金芙蓉盛衰相循雲卷舒歲幾及千道如初飛樓涌殿薄太虛鬱攸毒酸翻赤烏化為灰燼無復餘上遮叢棘下夫須白煙斜日寒隼呼虎邱尊者名浮屠見性炯若摩尼珠胸中藏書比石渠應聘而起三歎吁食無糗糧衣無襦赤立何以興吾廬蕭然一榻結雙趺風聲颯颯州間四方聞者魚貫趨布泉盈橐粟滿車捆載有若神鬼輸成此寶構只須曳龍礎承楹列砥礪棧題攢星塗以朱日月回薄氣扶輿懾怪破執道力驅空中樓閣齊毘盧法筵誰嗣乃其徒利如干將温六瑚吳江有刹委平蕪尚畱像變金作膚妙莊嚴相愍且都輦致中座青蓮敷直揭紅日升天衢大綱既挈萬目攄三門夾序暨堂塗勢可馴致當不孤祗今

勝槩夙然殊墨白駢首施拜膜鏗鞳如獲聞鐘魚有情弱質同巴且暮枯寧復論朝腴一念搖曳風中旗大雄慈憫猶已痛乃假塔廟作世模由外脩內垢淨除事為不落有與無空空色色皆真如作銘者誰列仙儒鐫之青瑤字紫紆後千百載期不渝

東禪寺古跡五棋盤街為林酒仙蔡治作楸枰形紅鰕池林每食鰕

吐出皆活但色紅耳清溪堂前明天機禪師與吳匏庵沈石田唐

伯虎文衡山祝枝山諸君子往來倡和于此石田題其額曰伴月

又有蟹眼井紅豆樹補志東禪寺條。以三條采風類記

北禪寺殿廡下有福智庵碑記陷壁間載庵建于元大德五年開山

住持某作文者笠澤僧景瞻書丹者吳郡王起今庵址已迷其處

疑為北禪寺子院

北禪寺大通閣乾隆五十二年寺僧祖印重建工歷八年費及鉅萬



密菴舊築在閶門內後板廠本蘇家園御史蘇懷愚所築僅存樹石為李侍御模宅後

圃有芥閣桃塢草堂

慕棲菴在桃花塢北寶誌菴右萬厯末建崇禎間蘿雲脩西偏深竹

中有禪室五間康熙中僧紺池題曰芋香尤西堂有過芋香禪室

口占詩

慈氏菴在桃花塢北順治己丑僧德風建師諱書傳郡人俗姓陸崇

禎戊辰薙髮堯峯後從蒼雪授賢首宗因母年老乃買地築菴迎

養蒼公題曰慈氏閱歲母亡與父遺櫬合葬于菴北及德風歿其

徒遵遺命耐葬塋旁李侍御模撰塔院碑記疑即吳縣志慈壽菴

城煙水

鐵佛庵在鎮撫司前後倚大阜僧云即晉崇寧寺明改為鎮撫司署

後廢居人夜見土阜中有光掘得鐵佛因創數椽奉之名鐵佛禪

林然考志古無崇寧寺惟城東有萬壽崇寧寺後廢寺為縣學像

設星散則此佛或即萬壽昇致者明制衛中設鎮撫掌刑名其署

在儀門之西子穀市橋置監獄今庵在獄前非司前也不特寺名

無考即地名亦訛

德慶庵在北園利字圩天龍庵北元至正間釋某建後廢天啓元年

重建順治辛丑延石庵禪師居之安觀察世鼎捐資修葺徐臞庵

有過德慶詩百城煙水

一葦庵在城東北隅利四菑張香橋北俗稱一廟廟凡有十俱為蘇



州衛報賽河神之所今所存者三耳六廟十廟在北園餘俱廢

勤息禪院在婁門內水鳧鄉橋西北明崇禎中建顧詒祿勤息庵讀書圖記婁江之北

有招提曰勤息傍城枕流高閣可以眺望幽巖可以盤桓池可以濯樹可以蔭與屢市遠於讀書宜錢氏三甥避囂其中徐子宗虞自玉峯至雷共學焉切磋琢磨極朋友兄弟之樂朱君昭士繪而為圖四子皆髻鬣夙孤絕遠紉綺惟學是耽載道之器也漢之邊讓晉之魏舒唐之韓愈宋之歐陽脩咸自奮孤童以文章顯蓋無父兄之倚則顧影伶仃動心忍性制行堅而向學勇所謂人之有德慧術智恒存乎疢疾也四子他日何必不古賢若哉籬間執卷行吟意若有得者心舒也據藤雜誦不交一言者步玉也持尺幅並肩視者為宗上宗虞相與商榷其所作也方林臯休暇一編不釋其早暮之勤又當何如自傷孤露與四子同少亦有志問學而因循怠玩白首無成觀斯圖也愜然愧矣

流水禪居在南園乾隆中彭進士紹升建并有記其文曰蘇州古澤國也環州之水其

大者為江為湖小者為瀆為港為谿至不可悉數凡水居諸眾生若巨若細以蕃以育宜無所不容然而取之者日繁操之者日蹙

環而顧焉幾一鱗一介之安其居而樂其生也難矣哀哉於是吾黨諸賢發慈悲心依菩薩行既月舉放生會遂因園為池與之安宅延僧守之取流水長者救魚故事顏其所曰流水禪居俾諸眾生永斷殺因克遂生性不離方隅如縱大壑沐日浴月騰波躍雲樂我太平長爾子孫洋洋乎聖人之道嗚呼王者之風觀于此者不知手之舞之足之蹈之也

以上城內禪林

舊有澄覺精舍在吾家山秀峯寺西南三里許豎萬佛石塔趙文敏

書額中峰國師為讚勒于大德十年已墜湖涘崇禎末岫雲禪師

洗刷構置采風類記○按吾家山即馬駕山音之訛也秀峰寺在西華鄉聚秀山又按靈巖寺亦號秀峰

淨土寺在吳縣七都上扇十都一畝吳家滙殿宇俱古志不載創建

無考

荷盤寺在洞庭東山白沙為九寺之一建廢無考今白沙嶺之西有



吳門雜錄  
卷三  
寺觀補  
六  
峯曰荷盤寺頂相傳寺基在此

金莖寺在滙處東山俞塢建廢無考今基地尚名金莖寺距寺基里許地名石柱頭有二石柱極高大云是外山門華表

橫山寺在橫山內有雲隱堂

深砂寺在長沙山二寺建置無考

無礙庵在西山洞山上一名草庵

石公庵在西山石公山上

橘香庵在西山福源寺前 本朝順治間建

真勝庵在東山平嶺上隋唐間建明弘治間重修今廢石刻真勝庵三大字少傳

王鏊書五小字尚存

紫金庵在東山西塢唐時胡僧建貞元間廢後復建內有十八羅漢像極工為雷潮

塑 本朝康熙間重修乾隆十一年增建淨因堂

大悲庵在東山翠峯關帝殿東

古雪庵在東山翠峯寺西按康熙初席中翰為止白禪師建取詩古雪光無際照君清素心之意師名止淨所

著有古雪居草與汪鈍翁朱柏廬諸公詩筒往還

翠微庵在東山靈佑廟後

慈雲庵在東山平嶺初名靈官殿 本朝順治間白沙吳國章建康熙中吳縣令楊棠改題今額雍正間席永勛重建前殿

熙中吳縣令楊棠改題今額雍正間席永勛重建前殿

武山庵在武山西金山巔以上十四條太湖備考

牧牛庵在木瀆鎮李果詩有梨花明月寺芳草牧牛庵句明月寺亦在瀆川見



吳山嶺腰有寺寺有井僧言鑿石得之宋時龜蛇怪見寺以井勝病者汲之多愈故名分水嶺又曰施水院一碑篆龜蛇記甚古○上方寺塔下有雙冷泉○靈巖有斷碑猶見勅字又見魯國公天官太宰中大夫二行皆宋刻道異可玩○光福寺有唐進士顧士容題石剝落而趙子昂復書之顧詩見志字句交輝當為光福二絕僧言士容葬宇下施地為寺五子官皆太守寺左祠之號為五神而禱所不絕近山今有顧氏二百餘家予觀士容詩蓋唐以前塔寺備矣塔左一坎宋人題曰墨沼蓋士容讀書處也子昂題石曰觀音泉在寺之後華鑰吳中勝記○按顧士容府志作士谿光福寺創建亦與志異○又按都穆記墨沼為顧野王研池士

容亦作在銘當  
是一名一字

應夢觀音殿

即虎邱石  
觀音殿

按宋湖州臧達侍親秀州得瘵疾齋素誦觀音經夢白衣人針耳疾遂愈達欲為觀音像一夜夢示行道相覺而畫焉後得美石令弟寧造像覆以石室所謂應夢觀音殿是也常開平來取張氏時寺中以畫相并銅香爐獻之王不受麾下士取畫相去後為常州范某得之初不知為虎邱物其母夢一女子曰送我還母問還何所曰虎邱翌日母視畫相有虎邱字亟令送還舟宿泔墅忽為偷兒竊去有購之者亦夢女子曰我家虎邱送我還其人復以還寺采風類記殿中石壁刻大乘妙法蓮華經觀世音菩薩普門品九十二行每行下方列銜首行左僕射兼門下侍郎



平章事曾公亮末行右武大夫息州刺史特差兩浙西路馬步軍副總管平江府駐劄邢臺縣開國男食邑五百戶裴良傑皆熙寧

間人也互見古蹟職官

東山法海寺中有草名香花甲根苗俱可餐里人施理倡為詩和者甚眾

金仙寺在石湖西澄灣舊為大司馬吳江呂純如別業其子君法坐事籍沒松

陵汪仲廉勸緣置延洞宗蕃光禪師開山

華嚴庵莫詳所始在陸墓鎮白蓮寺東北里許古巷巷今廢為野田自有菴來僧巫

雜處曾作申明亭嘉靖二十年圯僅存敗屋僧圓明守之萬曆初釋如宗鼎建殿宇有禮部侍郎韓世能碑記後復廢康熙癸丑淡菴昱禪師復擴地重建

平田禪院在祇園東北順治初僧古心郡中范氏募織造周工部天成創

為藥樹放生池旋請靈巖繼和尚說法于此易今名其徒麟乳建

大悲殿壁嵌文衡山赤壁賦真行千字文石刻按二寺俱在陸墓

空空庵在寒山左面對天平嶺順治丁酉釋止水住持辛丑顧玉巖

建平雲閣

法華庵在寒山寺隔岸聽鐘橋西順治初徐瑞宇捨宅建延僧法華

主其事明巖踵成之釋性能號法華時寓寒山寺脩楓橋適逢鼎革四處焚劫徐瑞宇有棧房在鎮因與相善

遂移守之獨得無恙即取其米作飯以給逃亡者及瑞宇至法華勸其捨屋為寺便募四十八願卸屋造殿工未畢而師卒康

熙三年釋彌壑名行禮住持有大傅金之俊觀察周荃兩碑記釋行禮已

西秋杪喜臞菴居士見過賦贈憶昔湖心寺榆風拂戒壇木父提共記輕垢罪俱拏皓月孤光麗清霜五度寒聽鐘成夜話無復問



遮難初晴喜張伯亮總戎見過時山夫臞菴二居士在座初陽開霽色曝背立松門吹角來驃騎清談對隱淪風高黃葉寺雁度白雲村共此破幽寂呼童淪茗樽

海珠庵在半塘下岸康熙辛酉粵人簡麗初為澹歸禪師建師歿其

法嗣寄崖繼席按澹歸即明遺臣金堡粵亡薙髮得法于洞宗天

山之棲賢簡麗初廣州東莞人萬曆甲寅生與澹公同庚年七十癸亥二月出家海珠乘戒華山四月四日歿

鏡水庵在洞在雲隱庵南舊名碧浪園崇禎中公燦明禪師置建額

今名在洞在雲隱庵南舊名碧浪園崇禎中公燦明禪師置建額

采香庵在靈巖山南隔岸順治初里人沈如椿置白庵宗禪師開山

以庵近采香逕又取撮羣經而為果采百花以為漿之意額曰采

香以上九條俱見百城煙水

橫金延慶寺已廢乾隆中僧慧成重建舊有碑記已漫漶僅存碑首

四篆字寺見志

以上郊外禪林

乾隆四十年九月重建圓妙觀山門

橫金下塘曠野間地名成濟觀亦名觀前相傳昔年道宮遺址尙有

大石礎在土人家

衛道觀中有東華堂西華堂東堂為申文定公時行讀書處公有重

遊衛道觀詩

丹霞觀在石湖金仙寺左順治癸巳郡人浦姓延羽士鄭春恬置百城

煙水



以上元觀

附錄

明楊士奇虎邱雲巖禪寺修造記

蘇長洲縣之西北不十里有山曰虎邱吳闔閭所葬處世

傳既葬有白虎之異故名岡阜盤鬱泉石奇詭蓋有王珣及弟珉之別墅咸和二年捐為寺始東西二寺唐會昌中合為一而名雲巖者則昉于宋大中祥符間載盧熊郡志如此始清順尊者主此寺至隆禪師而復振歷世變故寺屢壞輒屢有興之洪武甲戌寺復澱永樂初普真主寺始作佛殿寺僧寶林重葺淨圖七級繼普真者宗南作文殊殿十七年良玠繼宗南是年作庖庫作東廡明年作西廡作選佛場又明年作妙莊嚴閣三年落成蓋寺至良玠始復完所作閣之功最鉅凡三重崇一百尺有奇廣八十尺有奇深六十尺上奉三世佛及萬佛像中奉觀音大士及諸天像其材之費為鈔三十餘萬貫金石彩繪之費六十餘萬貫又經營作天王殿以次成良玠杭之海昌人原石其字前僧錄闡教止庵其師也余聞諸刑部主事陳亢宗云原石嘗從亢宗遊遂因以求余記其成余聞虎邱據蘇之勝歲時蘇人耆老壯少閒暇而出遊者必之于此士大夫晏饌賓客亦

必之於此四方貴人名流之過蘇者必不以事而廢遊于此也然亦有興念夫王氏之嘗樂於此者乎當是時王氏父子兄弟寵祿隆盛光榮赫奕舉一世孰加也而能遺棄所樂輕若脫屣焉者豈獨以為福利之資乎其亦審夫富貴之不可久處與子孫之未必世有者乎雖其智識趨向高明正大不足以庶幾范希文之為而無所係累乎外物視李文饒溺情役志下至于草木之微者豈不超然過之也而自建寺以來今千餘年雖屢壞而屢興其飛甍傑構凌切雲漢與山川相輝煥稱名勝於東南愈久而不衰者固佛之道足以鼓動天下亦必其徒多得瑰璋蹕絕刻厲勤篤材智之人能張大其師之道以致夫多助之力也瑰璋蹕絕刻厲勤篤之人其用意也宏其立志也確有不為為之而孰禦其成哉嗟乎其若是也使就於世用有不立事建功而可以裨當時聞後世哉吾又以曾榮重建寶光賢首講寺慨夫屢見之于彼而鮮遇于此也

碑寶光寺在姑蘇長洲縣治之東北漢末鬱林太守陸績捨宅為之故至今寺門外有巨石曰鬱林石者蓋以此也吳赤烏時郡守請額于朝始賜名曰寶光仍命圓法師主之以為十方講刹歷兩晉六朝隋唐以來廢而復興隳而復振者蓋嘗有之而寺之名迹固弗泯也迨元至正間佛殿兩廡三門講堂鐘樓經閣以洎衆屋靡不完具宏壯雄偉冠於一方可謂盛矣國朝



洪武初開拓郡城始遷寺於跨塘橋西據婁齊二門之衝去舊址才數百步而近其後有詔併叢林於是境內諸寺悉歸於此方其時郡副都綱湛源圓法師實居此以領教事乃以所授賢首一宗教觀與四方學徒講說究竟克闡厥宗暇日與文儒縉紳之流倡和其間而寶光之勝遂煜然於勾吳之域矣永樂改元之初有楚蘭馨法師繼主於此將欲興造以復前代之規制而被召入京與修大典願弗之遂九年寺僧大禎大衍同心協力出其祖之遺資及傾已帑仍資檀施庀材鳩工剏建法堂聿新眾屋甫及三載遂告訖工輪奐重新金碧照耀真桑門之盛事東南之偉觀也今年冬楚蘭以校警藏典畱寓北京遂述寺之本末借中書舍人王君和用來請余文記之惟佛氏之教入中土而四方禪林講刹星羅棋布不可勝數然求其若寶光之綿歷累代上下千有餘年而愈遠愈盛者蓋亦少矣是雖佛氏之靈有以默相陰佑于其間然亦豈非績之孝行夙著而其流風遺韻藹然被于其鄉者有不能以遂泯歟是可書也因併書俾刻諸石庶後之人得有所考且係以詩曰東南名郡粵為姑蘇秀氣所鍾湖山奧區歸彼寶光巍巍梵殿云昔陸績捨宅以建鬱林之石名高穹窿伊積之遺稟其清風兵燹荐更有隆有替迨際天朝值茲盛世眾刹所歸鬱鬱為叢林曰有湛源克振圓音賢首之宗益暢厥旨其徒如雲見聞悉喜迄于楚蘭志擴前

規承詔在公弗見于為繼此而興曰禎曰衍資帑克捐厥功以顯翼翼殿堂棟宇維新金碧煌煌有光磷影暮鼓晨鐘旛幢杳靄如旃檀林若華藏海聖壽齊天

吳寬陽山大石巖雲泉庵記

佛道與隆勒石于斯以播無窮  
吳城西山連延不絕曰陽山在稍北雄偉特甚其陰石巖然起如人負奇骨而偃者當嶽峯礪硯間有僧居在焉號雲泉庵成化間余與太僕少卿李貞伯吳興張子靜松陵史明古往遊自許墅北轉入小溪舍舟從平田行仰見石勢欲墮舉足甚恐入門竹樹幽茂薜荔滿牆僧綠崖架木有小屋在石下益奇客喜而就宿聯為長句明日太僕大書屋壁復題名石上而去後二十年子再還吳中則太僕以下相繼而逝自歎不能獨遊而徒得沈啓南所作巨圖時取而玩之耳一日有僧謁問其名曰智韜則庵之主人也曰山居屬公題咏後游者接踵而至大石之名暴著于時此皆詩人和篇也子既為書其末智韜復請曰庵未有為記者更乞書之蓋山之有庵相傳為宋珍護禪師所創也石之大且奇者散列不一當時與客議此可亭此可堂且軒者尚多今歲久其地如夢中事不能了况予且老未知他日歸休再能遊否所幸主僧有開拓志來遊者或能成之當再為書之刻崖石上。以上並見金石新編

宋蘇軾莘



老葺天慶觀即圓妙觀小園有亭北向道士山宗說乞名與詩春風欲向

北風微歸雁亭邊送雁歸蜀客南遊家最遠吳山寒盡雪先稀扁舟去後花絮亂五馬來時賓從非惟有道人應不忘抱琴無

語立鄭思肖春日遊承天寺野梅香軟雨新晴來此閒聽笑語聲不管少年人去春風歲歲闌

殘暉徐黃甫里白蓮寺飲別東家叟行投西寺僧無風收閣幔有月罷廊燈竹夜聲偏集池寒色自疑

無端值詩景楊循吉遊半塘寺任彼自為高會飲由吾獨作靜清興覺逾增

夫本一流拈筆有時成野話探懷何處討閒愁平生也好功名事走到禪林念總休

夫本一流拈筆有時成野話探懷何處討

夫本一流拈筆有時成野話探懷何處討

夫本一流拈筆有時成野話探懷何處討

古蹟補

姑蘇臺有方石中穿俗謂吳王用以竿旌者汪琬姑蘇臺記

吳有漆娥之臺戰國諸侯所立也揚子方言註。按漆音七集韻作漆嬈之室又陳繼儒枕譚方言吳

有漆娥之臺東哲賦朝享五鼎之奉夕宿漆娥之臺漆即七也天玄七政作漆

朱買臣讀書石明都穆題漢會稽太守朱公讀書之處十一字刻于

石此宜補志穹窿山條讀書石下

吳寶鼎二年磚姜寶節集吳之村民姜集作陸氏於小雁嶺

掘地得甄二識云大吳寶鼎二年歲在丁亥作十一字姜集字大隸蓋孫皓時紀元通鑑晉泰始三年也面有螭文知非民間物考

是年六月皓起昭明官方五百文二千石以下皆自入山督攝伐



木一時搏埴之工陶族交作或分命吳郡助其役理有然者二甄  
為顧秀才肇敏所得分其一贈子因濡筆識之

朱彝尊跋吳寶鼎碑記

褚太傅哀初渡江嘗入東至金昌亭吳中豪右燕集亭中褚公雖素

有重名于時造次不相識別勅左右多與茗汁少著粽汁盡輒益

使終不得食褚公飲訖徐舉手共語云褚季野于是四座驚散無

木不狼狽

世說新語

謝歆金昌亭詩敘曰余尋師來入經吳行達昌門忽覩斯亭傍川帶

河其榜題曰金昌訪之耆老曰昔朱買臣仕漢為會稽內史逢其

迎吏逆旅比舍與買臣爭席買臣出其印綬羣吏慚服自裁因事

建亭號曰金傷失其字義耳

世說註○二條補志金昌亭條下

支道林葬衣冠塔誌石○過北峯

在天池山即華山

永和六年十一月初一日第一代傳法僧十六字在右軍修禊前

也字渾樸可貴

沈德潛年譜○府志北峯寺條僅云塔上鐫永和年號

包山寺唐碑○寺門左有唐會昌二年僧契元書碑楷法端麗在顏

柳之閒思以硬黃搨之不得也歐陽趙會諸家博搜金石文未著

於錄則以地僻在太湖中間見有所不及獨怪王文恪輯震澤編

削而不載後之修具區志者遂遺之不可不補其闕焉

朱彝尊曝書亭集

鴨脰在甫里蛇涇南陸龜蒙畜鬪鴨處

甫里志

鏡石本陸魯望光明閣中物沃以水毫髮皆映如鏡然向存白蓮寺

谿雲堂前萬厯中許中翰自昌移至梅花墅後捨墅為海藏院石



在擊竹軒中

陳惟中甫里志

唐若山碑○若山開元中嘗為潤州刺史棄官居茅山又居太湖包

山今林屋有碑殘缺矣

金陵記○按吳縣志雜記包山神景觀一條下所謂唐君即若山也

張旭郎官壁記○張舜民畫墁錄云長安府錄廳前石幢即郎官題

名石也張長史旭書序楷法整若軍陣府志雜記據中吳紀聞以

為在蘇州府學中堂之後龔張並宋人何所記各異今按王世懋

奉常集云張長史郎官壁記天下止有一本吳中尚有一偽本始

悟蘇州府學之碑乃偽本也又按中吳紀聞是碑兵火後不復存

王摩詰畫壁碑陳傑書在蘇州雍熙寺佛說尊勝經于僧翰書在洞

庭山

朱長文墨池編

王夫人墓誌頃歲虎邱僧掘地得之殘闕僅存一片其文有云西北

七里武邱山又云長子珣好事者因附會為晉中書令王珣母墓

或以晉人不當預避唐諱疑為贗作然驗其字跡似非宋以後所

能為當是唐人誌石

錢大昕金石文跋尾

馬冢○國相杜建徽梁開平中與王弟鐸率師救姑蘇與敵遇因逼

河河梁上斷乃鞭馬徑渡及岸馬斃乃瘞之號曰馬冢至今存焉

漢趙煜吳越備史

佛說大佛頂陀羅尼石幢無書人姓名在虎邱白蓮池磯上其後題

顯德五載龍集戊午日躔南斗高陽許氏建五代之際蘇州在吳

越錢氏管內吳越奉周正朔故以顯德紀年實吳越忠懿王嗣位



之十一年也楷書猶有唐人筆法殊堪寶愛攷王象之輿地碑目未載此幢近人修虎邱志亦遺之金石文跋尾

鄭駙馬洗馬池宋鄭釗所鑿在武山永福寺西今為灌畦池矣太湖備考

○按明詩綜駙馬家在洞庭山明顧超詩云南國織錦愁花草春如翦驟裏女蘿叢陰風落紅薜非無十畝宮漸逐耕犁轉石馬嘶入潭金蠶不成繭夜半玉簫鳴煮蒿發淒泣駙馬生女示疾不嫁舍身為尼亦葬山中謂之鄭女冢超亦有詩載吳縣志

滄浪亭石枰○宋毛珣滄浪亭詩濯纓人去水空寒事屬明時欲問

難日暮客歸園館閉鷺鷥飛上石棋盤自注子美故物惟石枰存

崑山石柱詩刻○徐雪廬吳興人宋末避亂居西洞庭嘗題詩崑山

禹廟之石柱至今詩刻尙存其詩曰洞庭之陰小山幽百靈擁衛來高邱我當十月值亂離攜家遠逐

湖之洲湖光接天晚浪靜樹色照野晴雲浮霜黃林頭橘柚熟日冷波底蛟龍愁北方兵馬想已到南國城郭誰能收我今買酒且

消憂醉舞拔劍揮斗牛會須投筆去封侯斬取盜賊清南州見鄭坤洞庭記

虎邱山石觀音殿石壁刻大乘妙法蓮華經觀世音菩薩普門品九

十二行人各書一行而題銜于其下首行左僕射兼門下侍郎平

章事曾公亮末行特差兩浙西路馬步軍副總管平江府駐劄裴

良傑按是經刻于熙寧間錢中允大昕金石跋尾攷之詳矣下方

列銜凡闕五行其官爵不全名氏漫漶者不可勝舉然其中有官

于吳門者如知州韓鐸通判胡宗愈王推官邵善李監稅

呂公憲前吳縣尉葛都監曹談曹曾總管裴良傑之類互見

職有產于吳門者如郭之類按吳縣郭附字明仲知崑山縣事正在熙寧中與此恰合雖僅書郡

人不列銜有流寓吳門者如林旦林希林顏之類至錢唐沈遼為



寓賢沈括之兄子崑山邨直為熟悉吳中水利之人他日修蘇志者亦足以徵文攷獻云

宮巷口佛幢乾隆五十七年二月六日圯下有禪宋時姓建為兒

子作福者初郡城有七塔八幢九饅頭今幢存者無二三

武山石上有蔡仙丹竈石廣袤數丈上有圓穴徑尺餘橫石中連

可置釜鼎不一穴圓徑如土高倍之能容束薪孔貞行記

干將軍教場在東山干山嶺下相傳干將軍演武處太湖備考

靈巖有鐵袈裟一具形質奇古有監司為贊數語鐫字其上識者多

為山靈懊恨文海披沙

第六泉在吳淞江中唐張又新品第東南之水大江郭璞墓傍第一

無錫惠山第二虎邱轉藏殿左右井第三見治平寺大殿東北石

井第四即楊素井見志寺觀類獅山浜口五泉橋井志未及廣陵大明寺井

俱第五吳淞江第六第江中難辨相傳南近千畝潭北近蔣家圩

一環清憨者是明錢允治云知第六泉近蔣家圩久矣友人蔣公

鳴家圩內素諳泉處汲致二缶試之風味涼爽真逸品也按蔣家

圩屬元和境府志入吳江非是

烈武帝廟香爐銘○余自江寧移宰長洲武進張康伯見託求烈武

帝廟香爐銘曰字札絕奇及到廟中已無所謂銀香爐者徧訪碑

碣皆非爐銘云因追問郡人故老皆云莫知所在後因太守替移

法曹周載於宅廚中求得已為擣帛砧中斷矣其字乃乾符六年



正月天台散人濮陽鵬書筆勢奇勁如盤鈎屈鐵云其鑪吳郡陸

球鑄銘沙門韞讓撰

宋楊彥齡  
楊公筆錄

宋元祐八年角頭巡檢司署碑

明王文恪公猶及見之今司署廢  
而碑已亡矣碑文別見軍制門

張士誠築王府基取三興土為之嘉興長興宜興也

宋國楨湧  
幢小品

王府基二池。明平吳後譙樓內鑿地為二池直衝府基以洩王氣

楊儀明  
良記

義鹿冢。銀臺侯廣成家放一鹿于堯峰且數年侯死鹿跳擲斷角

累日不食亦死山僧憐而葬之碣曰義鹿冢

王言聖  
師錄

大梅庵在吳縣前嶼村有玉蝶梅一株大數圍是宋元以前物吳中

古梅無出其右今庵移建上莊梅亦無存橫金寂照庵大珠藤尚

存其本粗如五斗甕

婁門東北三十里為沙湖湖北為塘隆然有碑廣四尺許長四倍四

面如之三面鐫相視歌歌有前後皆築塘時相勸勞之語也今已

剝落不可辨其東面記民謠云遠挑新土纔希罕露盡黃泥始罷

休兩岸馬槽斜見底中間水綫直通頭弘治丁巳督理浙西水利

工部主事姚文灝立石

堅瓠  
集

虎邱山記遊石刻

石壁畱題類多漫滅筆之於書用  
存遺蹟郡邑志亦可據以互証云

唐元微之嘗記遊虎邱沒後劉夢得見所題名作詩悼之

文肇祉  
虎邱志

佚

宋方仲荀祥符九年在任見虎邱畱題云尙書屯田員外郎知蘇



州事方仲荀 姑蘇志  
○佚

天聖元年二月二十一日前嘉興守張希顏秘閣校理謝絳 省  
丞司徒昌運閣門祗候張崇俊侍禁王宗慶闈文昌 秀倅李  
餘慶前節推李仲 同登此 存

大宋天聖元年癸亥九月十日 日太常丞同判福州王瀆與泉州  
同安尉林太易男緯侍行書於石紀年祀 在劍池石  
壁○存

太原王質子野武都章侁進之姪岷伯鎮 陵馬宗誨 天水  
趙士龍雲卿梵才大師長 已已 仁宗天  
聖七年 九月廿日同識 按府  
志質

以伯父旦蔭是年判蘇州又按中吳紀聞岷登  
天聖五年第為平江推官題銜俱見下 存  
給事中新知揚州朱巽 姑蘇志  
改蘇州 集賢校理同判蘇州王質集賢校

理同判杭州錢仙芝大理寺丞知長洲縣事邵飾 盧志安簡公  
九子歷知蘇

宣明 廣州支使知吳縣事馮允成節度推官試校書郎章岷天  
聖八年八月十二日同遊 存○允成天  
聖七年任

章岷於此與同遊諸公調琴試茗 存

王誨字規夫以熙寧六年知蘇州七年引嫌去郡是年五月有虎  
邱題名 盧熊志  
○佚

孫實阮美成汪奕胡軌楊書思元符三年四月十五日 錡按孫實  
字若虛吳

縣人登元祐三年進士累官台州守見吳  
縣志選舉表及中吳紀聞○互見人物補

馮鎮順復本吳 琳 之韓思誠秦壽周 陳礪從 九日盛  
以來政和二年五月十日 在劍池石  
壁○存



圃澤孫端天與朱方瞿汝立公達桐鄉張激達明政和甲午四月

二十五日存

子諱秋八月壬申到郡冬十月庚午乞還印綬章上屢卻十二月

癸丑詔許歸薊林乘泛宅艤虎邱而去金石文跋尾續子諱向敏中之元孫知平江金

使議和將入境子諱不肯屈已拜金詔乃致仕又按姑蘇志御書薊林二大字賜子諱又賜舟親題曰泛宅故於此及之示不

忘君賜也紹興八年河內向子諱伯恭父題在石室經字陰。子諱見府志名宦傳

石石理府志字瑩中紹興元年任長洲知縣王陳禧葛筠張端紹興戊

午八清明日同遊篆書四行左行在劍池石壁

鄭共父朱致紹興庚申十秋九月望日同遊八分書四行存

蔡熙國偕弟得一得瑞來遊時紹定庚寅三七月望後二日書存

虎邱石壁舊有南充游似景仁自中朝持劍南東州節道出姑蘇

宛陵吳淵道夫鄧山袁肅恭安泰寧鄒應博景仁以同舍郎忝

西道主飲餞于虎邱其題名云遠峯沐雨幽軒進風古木晝陰

野禽春聲葺鱸餐季鷹之高劍潭弔闔廬之古碁酣而世慮忘

酒竟而別愁起促駕言歸援毫以識紹定五年四月二十日子

少時猶及見之今苔蘚漫滅不知所在矣顧元慶夷白齋詩話

西道主則三人皆宦於姑蘇者又按吳淵蘇州知府鄒應博吳縣知縣並見郡邑志而袁獨無考以三人次第推之吳以太守而居首鄒以吳令而居末袁則列於吳之後鄒之前意其為長洲知縣亦如朱巽等題名例邵飾以長洲令而序吳令馮允成之前也又按郡志職官表吳與鄒在任年分與此相合而長洲知縣獨無紹定間在任者亦可以見志乘之疎漏而袁之為長洲宰無疑矣又按雙塔寺袁肅詩石刻題銜云提舉祕丞郎中時為紹定五年二月蓋至二月後始以提舉而知長洲縣故此



處題四月也又按肅見中興館閣續錄

淳祐癸卯三仲春長樂潘昉偕臨川陳藏世來遊春塘錢舜選繼

至

淳祐辛亥十一春分四明程振父天台趙必巽方甫眉山蘇剛古

字同以東餉檄委在吳直暇載酒來遊此山甫弟來侍在劍石房下

振父疑卽伯玉見澗泉日記

德祐己亥秋天台戴覺民領庾幙古汴趙崇炎趙時錄趙崇奠古

岷鄒良仲東嘉王繼孫四明劉經天台陳將以仲丁舍菜于和

靖尹肅公既竣事小憩於虎邱郡人徐孔霖偕行期不至者趙

必鑿童師咏郭夢良杜文甫在樂康亭下。鑄按己亥當作乙亥宋恭宗在位止二年德祐無己

亥其元年乃乙亥覺民權知平江正在是年疑趙崇炎以下諸人均爲入幕之賓故云領庾幙

附錄

明莫止鴨城懷古養鴨鴨可馴養兵兵可強只有方寸心多慾難自防千年古城已復隍但見牧豎驅牛羊

姑蘇之臺近相望二十三君在何許開吳祖德誰繼將玩人玩物皆喪亡喪亡豈獨由禽荒嗚呼古今卽事感慨長酒酣日落

天蒼王鏊林屋洞古井聞有紫隱泉闕在靈仙境金庭不可扣且此汲寒井其一洞口有深井雲漿漉

虛空我來攜一巵會與仙源通其二







剛記 太湖備考

元柯博士九思退居於吳相傳今城東臙脂橋卽其故居 寓意編

秀野軒元徵士周景安築朱提舉德潤爲寫圖又爲作記周左丞伯

琦篆秀野軒三字題者數人皆名筆也 六硯齋筆記，按京口張監詩序云余昔遊吳中諸

山至周氏秀野軒領覽天池玉遮之勝又德潤子吉識云軒與我先壘密邇朱壘在陽抱山由此觀之疑在支碧華山之間

學詩齋爲元江浙儒學提舉鄭元祐所居未詳其地僑吳集有與張

天雨鄰韻學詩齋聯句

漁莊別業在姚城江之北元末王雲浦 佚其名 所葺倪雲林嘗往來其

家爲作漁莊秋色圖 六硯齋三筆

春錦園○僞周丞相張士信守湖州粧二美女以進士誠起香桐芳

蕙二館居之又選三吳良家女八十餘人充內使時宮闕未備就

于府後起重樓邃閣以爲閨闈之所總名之曰春錦園 楊儀壘起雜事

明葉唐夫先生宅○家住夕陽江上村一灣流水繞柴門種來松樹

高于屋借與春禽養子孫此葉唐夫先生江村詩也先生生於洪

武間家江村橋故有是作其詩多警句此尤可喜云 夷白齋詩話

韓氏山莊在虎邱山北明韓襄毅公雍別業 文肇社虎邱志○今廢

顧仁效陽山草堂在陽山下王鏊記 互見傳

竹亭明處士沈洪所構在閶門外馬庵浜西今廢其子孫猶聚居其

地 竹亭嘉會記畧云亭四圍皆竹下瞰小方池活魚于其中亭主沈翁伯大洪字有崇德修慝之志有與人爲善之忠乃集里中

之質美而知向善者十數輩締爲鄉約每月以次一人設酒醴速客于亭而互致夫丁寧告戒之意焉于是山西參政祝公名題擡

吳門補振 卷三 第宅園林補



大易文言之句題曰嘉會昔藍田呂大中氏創為此舉迄今相傳以爲盛事何代無賢若翁輩其高山景行于古人者重可嘉尚哉弘治八年乙卯承德郎湖廣黃州府通判前京闈鄉貢進士邑人吳瑄撰董寬書。楊敏字仲學號友山。顧潤字欽德號草庭。袁宗字宗理號怡清。黃益字孟謙號實庵。王傑字宗善號醉愚。杭字復常號庸庵。沈洪字伯大號處靜。徐和字廷理號節庵。杜祥字元吉號恒庵。吳璿字廷貴號開可。王璿字廷儀號南亭。顧蟻字維則號憶齋。袁實字宗德號怡松。郭軒字汝瞻號月溪。呂曠字維約號虛室。袁綸字漢章號存頤。沈椿字文壽號秋莊。王洪字元大號一山見沈氏家譜王洪見長洲貢終滕縣訓導字從大

夢墨亭○唐子畏乞夢仙遊九鯉神夢惠之墨一擔蓋終以文業名因作夢墨亭祝枝山有記湧幢小品○桃花塢準提庵有六如塑像青袍席帽飄然有出塵之槩近峯別業在虎邱旁明順慶守皇甫錄所築錄有近峯聞畧近峯集見府志藝文皆以別業名其著述

邢先生讀書房在虎邱西原明處士邢參所居

郭少卿別業在長蕩東明郭仁卽歸源寺改建樓榭輝煌林木陰翳稱偉觀焉

玉涵堂在山塘橋西明大學士吳一鵬所居

半偈庵在半塘寺旁明國子生王穉登所居四條文肇社虎邱志

坳里山房在游湖之濱明進士彭汝諧丙舍

玉遮山房在玉遮山明贈文林郎彭德先丙舍二條家譜○彭定求初夏玉遮山居脫帽披襟一杖藜畫屏積翠夕陽西斂香籬落綠茶市豆熟墻陰間麥畦喚客提壺還自語催耕布穀正爭啼農桑歲計書和樂擊壤還堪續舊題一平生一懶性天真長日山中打睡頻領畧風光堪自喜踈慵禮數莫相嗔從遊應問希夷叟行役唯容擁腫人寄謝枝頭鳴鳥意詩腸攪起趁芳晨



明尚書陸完宅在閭門外今稱陸宅巷牌坊尚存元和志云在甫里當是祖居

松筠堂在葑門下塘明歸節母陳氏所居節母適歸章甫未幾章甫

病卒遺孤聖脈生始八月撫孤備極艱苦聖脈克遵母訓以文行

知名於時弱冠即受知于長邑令牛若麟題其額曰抗節松筠遂

以松筠名堂志不忘也朱彝尊題贈歸節母崔韋母德史曾傳又見長洲苦節賢花發木棉聽夜績至今猶

說未亡年一綽楔高門姐豆祠松杉百尺蔭階墀元和遺事畱家乘好羨文孫又一枝

遂儀堂明曹文明妻張節婦宅在北察院前鹿城王元懋書額節婦

事親撫孤畢力勞瘁有表貞錄行世子應旌有孝行以明經授咸

陽縣令鼎革時殉難許豸頌曹母張節婦百年完玉保孤難豈作尋常節婦看鸞鏡影分雙鬢老牛衣淚滿一

砧寒梅因歲晚香為骨草答春暉色自丹已見溫綸酬冷杼不須惆悵雪霜殘以上兩條並見采風類記。按張節母互見長洲崑

山志曹應旌為尤西堂妻父見西堂曹孺人行述

臥雪齋袁孝子駿所居在葑門上塘新造橋西采風類記

山塘小隱明行人姜垓寓舍元和志有姜垓山塘旅寓五律二首

六浮閣在查山之陽其區浸其右六浮者一曰長浮二曰白浮三曰

箬浮四曰苧浮五曰茅浮六曰箭浮其崇卑小大形殊或斷或續

迤邐隈隩之外方閣之未成也嘉定李流芳過而樂之思以十千

錢構草閣踞梅林之上寫圖以告其友兼題長句覬其經營而未

果後八十年長洲張翁買此山始為建閣且治生壙翁歿子士俊

補葺之朱彝尊二月朔集六浮閣探梅分韻得覃字查山一卷石太湖滙西南江梅幾百萬亂插如蒼簪我來微雨後盡拆

霜苞含橫披谷錦繡倒映天蔚藍高臨銅官井下著苜蒲潭鹿眼編躑躅鹿胎糝空哈卑枝或壓帽瘦帶恒飄杉粉蝶羽翻飛白龍



鬚鬢鬢曩時李先輩邱壑性所耽過之不能去思結小園庵點筆  
寫爲圖買山付虛談清河有一老於此開徑三詩壘黃篋樓生壙  
金粟龕偶占絕勝地戶戶圍重嵐漁洋峙厥左層波激滄泖其右  
浮者六一一同眠蠶所憾激浦隔未得窮幽探徒羨漁子艇揚帆  
捉羸蚶張郎敬愛客託契來僑郊園蔬進香飯家釀發新坭蚶蚶  
列瑣細橙橘分酸甘主賓迭相勸力飲忘身酣是夕陰復晴淨洗  
雲曇曇花光暝逾蒸四座聞醅醴牽吟共鬪韻笑語吳越參酬和  
繼沈范少長齊羅聘禮從野人野嗜比貪夫貪昂參橫斜後各各  
猶研覃回憶平生游斯集樂且湛擬  
畱信宿居懶上白竹籃曝書亭集

落木庵○癸酉十月與竟陵譚友夏寓其弟服膺德清署中曉起盥  
漱見余白髮盈梳云子從此別計必住山請擇嘉名以名其居服  
膺出幅紙俾作擘窠大字友夏執筆擬議日子還吳可謂落葉歸  
根矣遂有此目今三字揭諸庵門松栝數株撐風蔽日元冬霜月  
葉蕭蕭而下雙童縛帚埽除不給齋廚爨煙皆從此出事之前定

如此

徐波自記。落木庵見志本傳在天池山中爲元歎丙  
舍元歎沒後靈巖繼和尚捐金刻其遺稿庵因歸靈巖

守中堂在閭門內

國朝許字沈大立袁貞女所居

節錄彭定求題  
守中堂贈袁貞

女爰聞汝南族娉婷獨挺然甫字吳興子弗逮結襦年聞變擬赴  
哭血淚如迸泉指天矢不二親心遂轉園荏苒經七霜往哉禮無  
愆斂容卻沐膏暗嗚告几筵宗黨咸感歎俾余一言先  
慨焉作此歌卑論爲洗滌。貞女志失載詳見列女補

諫草樓處士姜實節所構在忠肅公祠旁爲其父貞毅先生採之影

堂樓東有思敬居改過軒巾箱閣爲實節讀書處

韓馨秋夜宿諫  
草樓話剪西窗

燭交情憂患餘幸懸高士榻重讀諫官書杯酒寧辭  
醉雲巖此卜居夜深秋露冷涼氣入庭除虎邱志

勉善堂在上津橋下塘 國朝馬節母王氏所居節母適馬守強守

強卒事姑愈謹撫孤子俊克有成立曲體母志力行善事故以勉

善顏其堂彭侍講定求有傳

見列女補  
又有頌頌曰皎皎婦節瞿瞿母  
儀松筠比操烏哺同慈



卒得食報年逾古稀有子克家栢樵  
永思用告彤史式此貞徽采風類記

樂饑園在靈巖山麓香溪棲碧山人韓璟卽秀野園改建築生墳于  
園中沒後遂卜葬焉璟字韶簫號覺菴貞文先生馨之子

繡谷在閬門桃花塢朔州知州蔣深所築有繡水蘇齋交翠堂諸勝  
深未仕時好爲文酒之譙陸錦養  
病間記

小停雲館在楓橋西沿塘 國朝國子生王庭魁所居庭魁字岡齡  
能畫藏弄名跡頗多最愛文氏翰墨故以小停雲名其館中有小  
園花木之勝後歸袁氏廷禱改葺漁隱小圃廷禱前明六俊之後  
字又愷圃中有貞節堂竹柏樓紅蕙山房楓江草堂吟暉亭五視  
樓等十六景錢少詹大昕爲文記之

遂初園在木瀆吉安太守吳銓所築其孫泰來日與諸名士流連觴

咏後園牆覺起其園遂易主矣湖海  
詩傳

一榭園在虎邱東山浜之北嘉慶三年任太守兆炯購薛六郎墳庵  
改築六郎者徵士雪之子也才而不壽卜葬于此園中一亭翼然  
負山面水饒有幽致後改建孫武祠

寒碧莊在閬門外花埠嘉慶二年東洞庭山劉恕築范來宗記







某姓卜葬于白沙塢開壙得石擲旁臥一碑有東吳左丞相陸遜墓八字亟斂土填之而徙葬于下家山逸響集。按淮安府志桃源縣有陸遜墓去治西五里又華亭縣亦有陸遜墓見吳地記其說不一姑存之備考

魏司空王景文舒墓在西洞庭山慈里太湖備考

吳魯肅墓在陽抱山見廣輿記而于鎮江府下又稱有魯肅墓未知孰是按搜神記墓在今京口長廣橋東一里

晉

張林墓○甫里有張林山舊以為張蒼墓非是按范成大吳郡志載

晉張林妻徐夫人墓碑此山疑即林家

唐

柳毅墓在閭門內西街五峰園中有土山相傳為柳墓東有柳毅橋

宋

羊腸嶺在秦臺山南道旁有曾旼和甫墓有碑旼音珉按旼祖墓亦在此見旼天峯院記旼字彥和

元豐間人自龍溪徙吳○度賀家嶺即賀九嶺在華山有王份知縣墳庵○陽山下

田間一辟邪甚古不知何人墳耕夫云近之輒有蜂螫○度華山

數里即朱右丞諤永慕庵坐域頗侈蓋蔡京當國與諤善勅葬故

也周必大吳郡諸山錄。按朱諤本名紱因姓名同黨人請改今名松江人見婁縣志

集賢殿修撰王文輝墓在西洞庭山涵村建炎中賜葬林屋民風

駙馬都尉秦儀墓在西洞庭山秦家堡飛仙山下太湖備考

包山鄭氏五義女墓在曠里詳見列女補

貢士沈埠墓在虎邱野芳浜西岸有明毛埕重修記埠有傳



元

處士沈輔墓在虎邱野芳浜東岸輔為埠之子

鄭貞懿墓在城東之南岡元詩選。按貞懿為虎臣孫女見志列女傳

王夫人蕙墓未詳所在墓誌見朱珪名蹟錄殷在序曹亨銘余詮書

明

監察御史鄒亮墓在長洲縣金鵝鄉自撰誌銘明詩綜

山東巡按秦伯齡墓在西洞庭山明灣○南寧府知府蔡蒙墓在西

洞庭山消夏灣○贈游擊將軍蔡人龍墓在西洞庭山陽塢○廣

東參議賀泰墓在東洞庭山查灣○庶吉士吳文之墓在武山西

金太湖  
備考

孝子鄧汝南墓在張香橋西南孝子無嗣即所居為祠而建冢于後

其戚殷姓者守之數年前祠扁撤去祭亦弗及僅存屋後孤墳而

已

國子博士徐禎卿墓在虎邱西麓王守仁誌

禮部主事陸師道墓在虎邱花涇

唐長民墓在城西五里晉昌舊阡伯父寅誌其文曰長民余弟申

不繁自曾大父迄先府君無有支庶余又不育暨有此子也兄弟  
駢肩倚之年十二穎慧而淳篤在父母側未嘗仰視跛步讀書夜  
必踰甲乙其與亦未嘗至漏盡也有間必詣余是外更無他適子  
每心計曰唐氏累世植德耳目可指摘而言者五代矣閭門巷塗  
稱為善士無有間言天必祐之振起其宗及余領解都下頃以口  
過廢擯而猶冀有此子也今不幸以死又將何所擯也豈余凶窮  
惡極敗壞世德天將翦其宗耶而余束髮行義壺漿豆羹兄弟歡  
怡口無莠言行不詭隨仰見白日下見先人無忝於衷昊天不聰



喪我猶子誠為善之無徵矣於乎寃哉於乎痛哉卜以卒之年正  
德戊辰九月丙午去死之日凡三月葬城西五里晉昌舊阡殤之  
穴陵谷遷移誌銘壙首吮筆命詞涕之無從銘曰昊天不聰翦我  
唐宗寃哉死也斯童兄弟二人將何從惟命之窮○歷攷傳贊墓  
碣子畏無嗣僅一女字王履吉寵之子一弟名申字子重此外別  
無親屬雷起劍修唐解元墓記云問其遺族並乏止有城內桃花  
塢一老嫗是伯虎姪孫婦之孀者是即子重之孫媳則子重之裔  
亦絕矣又元配為徐廷瑞之中女內母吳夫人名素寧有吳孺人  
墓誌

龍巖知縣陳大清暨妻旌表節烈林氏墓在虎邱岷字圩

唐解元寅墓在橫塘王家村見國朝嘉慶六年知吳縣事唐仲冕

重修有記其文曰公諱寅字子畏一字伯虎號六如居士明弘治  
戊午南京解元以事被黜為吏辭不就放廢終身嘗以  
伴狂脫宸濠禍卒葬橫塘王家村載在志乘明末毛子晉曾修其  
墓有文記之自宋商邱尚書得胡太守續碑碣于桃花塢為建  
祠墓而橫塘之墓無有過而問者予以同姓來宰是邑既修葺桃  
花庵與其墓且相率為詩以廣其傳攷橫塘舊有墓地三畝故老

猶能指邱隴不可廢也歷年已久侵葬者樹皆合抱姑卽其可釐  
正者封植而題識焉墓中埋一碑墓前一碑建石亭石綽楔各  
一墓前僅存四分有奇以唐六如墓注名戶籍付縣中司漕吏代  
納其賦歲久勿替因並識之又封識六如墓四首白玉樓成隔兩  
塵水村山郭幾番新未知若箇眠雲處想見當年荷鋤人蘭若舊  
藏題後碣菰蘆雅稱夢中身橫塘十里秋聲館合與芳園一例看  
其一荒邱冥漠不書名訪到山橋澗水清指點青燐孤月出侵尋  
黃壤亂雲平一抔馬鬣新封大三尺雞碑小記明過客莫歌蒿里  
曲早歸兜率悟無生其二菱芡重重鼎俎奇橫阡設祭墓雅知唐  
風賸有毛萇傳楚些曾無宋玉詞崇禎甲申毛子晉嘗封表之置  
丙舍紀以碑今蕩然無存惜商邱中丞未曾議及地以滄桑沈斷  
礎人於伏臘走叢祠秋來雁稅從新占憑仗村翁社媪司其三文  
人慧業照元燈墓前碑仍題明唐解元烟穗前生記老僧花塢吟  
尊延客賞石湖釣艇沛吾乘城開更注千年漆松茂長牽百尺藤  
疑冢卻嗤銅雀伎空教賣履望西陵其四按六如居士卒于嘉靖  
二年祝京兆誌其墓云在橫塘之王家村崇禎甲申井研雷起劍  
與徐元歎葉羽遐毛子晉馬人伯孫月在釋石林訪得之井研有  
記勒石其桃花塢墓碑則嘉靖五年胡太守續宗所製疑欲立于  
橫塘而未果者桃塢邱隴特虛  
冢爾好事者勿為漫堂所誤



光祿卿沈廷揚墓在虎邱東麓黃與堅集廷揚字五梅崇明人崇禎間上海運事宜累官至光祿寺卿明

亡不屈執至江寧被戮妾張氏驚衣葬之廬墓二十年

諸生顧所受墓在虎邱半塘東湖先生鼎革後殉難長洲志有傳

郭節婦墓在虎邱西山浜按長洲志節婦王氏生員郭繼昌妻

許字王宇庚貞烈沈媛墓在虎邱沈媛見吳縣志列女傳

衡州府知府薛大訓墓在吳山蘇州名賢小傳女夫龔模葬之吳山祖塋。互見流寓補傳

吏部員外郎邱鵬墓在甫里四肚港甫里志

三姬墓在虎邱千頃雲下虎邱志黔孝廉高梁楹字明柱客死吳下

有姬敖十三孃年十八相繼死又前郡司理某公二姬柩寓禪室

有年太史陳仁錫為合葬之而係之以銘時萬曆四十四年七月

也高仲子姬敖十三孃誌銘姬臨清女也昨事仲子今事天妃自註卒於天妃宮葬于虎邱七十日爾姬美而敦禮三五在東游

雲散之悲夫子仲子友也既卜葬歲一享焉坡公曰豈伊無主仁人君子斯其主矣否否流水蒼山非無主也係以銘銘曰舍爾貴

竹酌茲三泉山藏古寺劍靜深淵白雲欲歸青松半筵永寧貞魄鐵花秀巖何以比德潭影蘿煙郡司理某公二姬誌銘姬不以喪

歸久露命也俾與敖姬姊妹見永結泉好二姬主敖姬賓風雨欲來梵唄亂鳴借問千秋孰主孰賓予既職祀事無所辭銘銘曰行

卽此路邊分後先今夕何夕明月在天一行秋雁環珮遊仙芳魂落日幽寄霞箋長留一道堤上春還

國朝

國子生顧苓妻陸宜墓在虎邱塔影園旁

國子生顧聖韜墓在虎邱鱗字圩聖韜為德鄉里高隱不仕見顧詒祿虎邱志

孝子張文魁墓在虎邱程家墳南文魁尋親事見長志本傳

國子生蔣近光妻汪節婦墓在虎邱長涇節婦見元和志



貞節徐氏墓在虎邱山北太僕嚴虞惇表

金烈婦墓在虎邱山塘

張烈婦墓在虎邱後山聖堂橋西

項氏三節墓在虎邱山西岬葬項璧妻周氏子婦支氏孫婦王氏

明璧宮詹煜之長子周氏與煜妾程氏同守節見吳縣志

貞節沈氏墓在虎邱後山

徐烈女墓在洞庭東山湖沙

顧烈婦墓在洞庭東山干山嶺西黃泥礮

沈烈女墓在武山

處士錢近仁墓在元和縣虎邱西麓九都八圖男字圩江蘇按察使

汪志伊題碣雲間許寶善誌墓全文見人物補

宋編修鈴李運使世望諸人醜錢五

萬買地三分葬之又公捐銀二兩給虎邱竹亭房住持生息為地賦經久計縣有案葬之日四方來會者數十百人各為詩歌送之

湖北呂堰驛巡檢王翼孫葬衣冠墓在吳縣楞伽山嶋袁太史枚誌

見人物補

回回墳共冢也在盤門外屬長洲境回子死取棺禮拜寺成殮至墳

抽去棺底裸葬穴中日以水澆之欲其速朽也其棺仍還寺中今

蘇州回族甚繁讀書貿易與齊民無異

按明史外國傳默德那回國祖國也隋開皇中其國

撤哈八撤阿的幹葛思始傳其教入中國日知錄正統元年六月

乙卯徙甘州涼州寄居回回於江南各衛凡四百三十六戶一千

七百四十九口其時西陲有警不得已為徙戎之策然其種類遂蕃于江左矣此蘇州有回子之始也又舊唐書元和二年回紇請於河南府太原府置摩尼寺即今禮拜寺元年回紇入貢與摩尼偕來從此各處置寺此即禮拜寺之始也回教不供佛不祭神不



祭尸所尊敬者惟天天之外最敬孔聖其詩云僧言佛子在  
西空道說蓬萊在海東惟有孔門真實事眼前無日不春風

附錄

宋楊友夔在姑蘇時盜發孫堅冢作詩弔之闔閭城邊荒古邱  
昔誰葬者孫豫州

久無行客為下馬時有牧童來放牛見許彥周詩話

得餘生代有聞東海長虹貫秋月丹青齊拜葛將軍

